

明
卷 82
卷 4

Two faint red square seals, likely library or collection stamps, located in the upper center of the left page.

Faint, illegible text or markings, possibly bleed-through from the reverse side of the page, located in the lower half of the left page.



傷寒證治準繩帙之四

金壇王肯堂輯 門人南昌張 綽校

三陰總論

黃三陰有傳經之邪有內感之邪傳經者自太陽傳入者是也內感者直中三陰非自陽經次第流傳而來由形寒飲冷而得損動胃氣之所致也其脈證略與傷寒外感之證相似細辨之特異耳然止係雜病非傷寒熱病受寒之證也夫邪之生也或生於陰或生於陽其生於陽者得之風雨寒暑其生於陰者得之飲食居處陰陽喜怒仲景云發熱而惡寒者發於陽也無熱而惡寒



者發於陰也此三陰內感之證首尾無熱縱有熱者亦仲景所謂反發熱也又當考始得之三字則見矣內感之證始終只在二經不復傳變不傳者何陽動而陰靜故陽傳而陰不傳也若以傷寒之三陰三陽言之則所傳者表裏經絡而已况風寒六氣之邪中人或中於陽經或入於陰絡孰為之先孰為之後焉可專以太陽為受邪之始故各經皆能受邪然邪自太陽始者此各經居多蓋始雖自二陰中熱者亦傳歸陽明而後已也三陰經自中寒決無復傳變二陰無谷併病者以此

王嘗讀張仲景傷寒論於太陰有曰自利不渴者屬太

陰以其藏有寒故也當溫之宜服四逆輩於少陰有曰少陰病得之一二日口中和其背惡寒者當灸之附子湯主之少陰病身體痛手足寒骨節痛脈沉者附子湯主之少陰病下利白通湯主之少陰病下利脈微者與白通湯利不止厥逆無脈乾嘔煩者白通加猪膽汁湯主之少陰下利清穀裏寒外熱手足厥逆脈微欲絕身反不惡寒其人面赤色或腹痛或乾嘔或咽痛或利止脈不出者通脈四逆湯主之少陰病脈沉者急溫之宜四逆湯於厥陰有曰手足厥寒脈細欲絕者當歸四逆湯主之大汗若大下利而厥冷者四逆湯主之觀仲景

傷寒三陰辨 卷之四
此論則傷寒三陰必有寒證而宜用溫熱之劑也及讀
劉守真之書有曰傷寒邪熱在表府病為陽邪熱在裏
藏病為陰俗妄謂有寒熱陰陽異證誤入久矣寒病有
矣非汗病之謂也寒病止為雜病終莫能為汗病且造
化汗液之氣者乃陽熱之氣非陰寒之所能也雖仲景
有四逆湯證是治表熱裏和誤以寒藥下之太早表熱
入裏下利不止及或表熱裏寒自利急以四逆溫裏利
止裏和急解其表也故仲景四逆湯證復有承氣湯下
之者由是傷寒汗病經直言熱病而不言寒也經言三
陰證者邪熱在藏裏以藏與裏為陰當下熱者也素

問論傷寒熱病有一篇名曰執竟無寒理蕪素問併靈
樞諸篇運氣造化之理推之則為熱病誠非寒也觀守
真此論則傷寒無間在表在裏與夫三陽三陰皆一於
為熱而決無或寒者矣兩說不同其是非之判必有一
居此者由是彼此反覆究詰其義而久不能得雖至神
疲氣耗不舍置者自謂此是傷寒大綱領此義不明則
千言萬語皆未足以為後學式况我賊民生何有窮極
也哉意謂成無已之註必有所發明者遂因而求之然
亦止是隨文而略釋之竟不明言何由為熱何由為寒
之故此非其不欲言也蓋止知傷寒皆是傳經故疑於

六經所傳俱為熱證而熱無變寒之理遂不敢別白耳以寒為本藏之寒歟安得當執邪傳裏入深之時反獨見寒而不見熱者且所用溫熱藥能不助傳經之熱邪乎以寒為外邪之寒歟則在三陽以成熱矣豈有傳至三陰而反為寒哉成氏能潛心乎此則必悟其所以然矣自仲景作傷寒論已來靡或遺之而弗宗至於異同之論興而漁者走淵木者走山矣宜乎後人不能決於似是而非之際故或謂今世並無真傷寒病又或以為今人所得之病俱是內傷又昧者至謂傷寒論中諸溫藥悉為傳經熱邪而用者以三陰經屬陰故也又其太

謬者則曰凡論中有寒字皆當作熱字看嗚呼未流之弊一至此乎於是澄心靜慮以涵泳之一日劃然若有所悟者然亦未敢必其當否也姑陳之以從有道之正夫三陽之病其寒邪之在太陽也寒鬱其陽陽不暢而成熱陽雖人身之正氣既鬱則為邪矣用麻黃發表以逐其寒則腠理通而鬱熱泄故汗而愈苟或不汗不解其熱不得外泄則必裏入故傳陽明傳少陽而或入府也若夫三陰之病則或寒或熱者何哉蓋寒邪之傷入也或有在太陽經鬱熱然後以次而傳至陰經者或有太陽不傳陽明少陽而便傳三陰經者或有寒邪不從

陽經而始直傷陰經者或有雖從太陽而始不及鬱熱即入少陰而獨見少陰證者或有始自太陽即入少陰而太陽不能以無傷者或有直傷即入而寒便變熱及始寒而終熱者其鬱熱傳陰與變便變熱則為熱證其直傷陰經及從太陽即入少陰則為寒證其太陽不能無傷則少陰脈證而兼見太陽標病其始為寒而終變熱則先見寒證而後見熱證此三陰之病所以或寒或熱也苟即三陰經篇諸條展轉玩繹以求之理斯出矣夫其或傳經或直傷或即入或先寒後熱者何也邪氣暴卒本無定情而傳變不常故耳故經曰邪之中人也

無有常或中于陽或中于陰夫守真者絕類離倫之士也豈好為異說以駭人哉蓋由其以溫暑為傷寒而仲景之方每不與溫暑對故略乎溫熱之劑而例用寒涼由其以傷寒一斷為熱而無寒故謂仲景四逆湯為寒藥誤下表熱裏和之證及為表熱裏寒自利之證而立又謂溫裏止利急解其表又謂寒病止為雜病嗟乎仲景傷寒論專為中而即病之傷寒作不兼為不即病之溫暑作故每有三陰之寒證而溫熱之劑之所以用也以病則寒以時則寒其用之也固宜後人不知此意是以愈求愈遠愈說愈鑿若知此意則猶庖丁解牛動中

傷寒三陰病 卷之四 五
肯察矣且如寒藥誤下而成裏寒者固不為不無矣不
因寒藥誤下而自為裏寒者其可謂之必無乎殊不知
陰經之每見寒證者本因寒邪不由陽經直傷於此與
夫雖由太陽而始不及鬱熱即入於此而致也雖或有
因寒藥誤下而致者蓋亦甚少仲景所用諸溫熱之劑
何嘗每為寒藥誤下而立况表裏寒之證亦何嘗每有
急解其表之文乎夫裏寒外熱之證乃是寒邪入客於
內迫陽於外或是虛陽之氣自作外熱之狀耳非真熱
邪所為也觀仲景於裏寒外熱之證但以溫藥治裏寒
而不治外熱則知其所以為治之意矣若果當急解其

表豈不於裏和之後明言之乎且三陰寒病既是雜病
何故亦載於傷寒論以惑後人乎其厥陰病篇諸條之
上又何故每以傷寒二字冠之乎夫內經所叙三陰病
一於為熱者言其常也仲景所叙三陰病兼乎寒熱者
言其變也並行而不相悖耳後人謂傷寒本無寒證得
非知常而不知變歟然世之恪守局方好用溫熱劑者
乃反能每全於寒證無他其守彼雖偏治此則是學者
能知三陰固有寒邪所為之證則仲景創法之本意可
以了然於心自之間而不為他說所奪矣或曰傷寒之
病必從陽經鬱熱而傳三陰今子謂直傷陰經即入陰

傷寒三陰病 卷之四
經而為寒證其何據乎予曰據夫仲景耳仲景曰病發熱惡寒者發於陽也無熱惡寒者發於陰也發於陽者七日愈發於陰者六日愈夫謂之無熱惡寒則知其非陽經之鬱熱矣謂之發於陰則知其不從陽經傳至此矣謂之六日愈則知其不始太陽而止自陰經發病之日為始數之矣仲景又曰傷寒一二日至四五日而厥者必發熱傷寒病厥五日熱亦五日設六日當復厥不厥者自愈傷寒厥四日熱反三日復厥五日其病為進夫得傷寒未為熱即為厥者豈亦由傳經入深之熱邪而致此乎今世人多有始得病時便見諸寒證而並無

或熱者此則直傷陰經即入陰經者也苟不能究夫仲景之心但執凡傷於寒則為病熱之語以為治其不天人天年者幾希矣

太陰病 腫滿 腹痛 黃

三門之病本屬太陰病因在少陰者反多故從其多者附也

吐與利下三門並附入少陰病蓋此

黃太陰之為病腹滿而吐食不下自利益甚時腹自痛者宜理中也陰經少有用桂枝湯者如此證若脈浮即用桂枝湯微汗之若惡寒甚不已者非理中四逆不可也三陰俱有惡寒但喜厚衣即惡寒也前證若下之必胸下結鞭又宜瀉心湯也雖然用瀉心者由誤下而致

非傳經熱邪也。三陰雖皆有傳經熱邪，故自有執證與此陰證不同。大宜詳究太陰經治法，有汗下溫和解。

汗 桂枝湯

桂枝加芍藥湯

下

桂枝加大黃湯

溫

四逆湯

理中湯

和解

梔子檉皮湯

茵陳五苓散

經云：尺寸俱沉細者，太陰受病也。以其脈布胃中，絡於噎，故腹滿而噎乾。今查太陰篇闕噎乾證，太陰之為病，腹滿而吐，食不下，自利益甚，時腹自痛。若下之，必胸下結鞕。因太陰為病，陽邪傳裏也。太陰之脈布胃中，邪氣壅而為腹滿，上不得降，故嘔吐而食不下。

不得升者，自利益甚。時腹自痛，陰寒在內，而為腹痛者，則為常痛。此陽邪于裏，雖痛而亦不常，但或時腹自痛也。若下之，則陰邪留于胸下，為結鞕。自利不渴者，屬太陰。脈浮而緩，手足自溫者，繫在太陰。下後腹滿。

時痛者，屬太陰。太陰病，脈浮者，可發汗，宜桂枝湯。在陽則脈浮，無汗宜麻黃湯。此脈浮當亦無汗，而不言者，謂陰不得有汗，不必言也。不用麻黃而用桂枝者，以陰病不當更發其陽也。須識無汗亦有用桂枝證。

滿時痛者，屬太陰也。桂枝加芍藥湯主之。大實痛者，桂枝加大黃湯主之。邪氣入裏，則為腹痛，蓋氣傳裏而痛者，其痛不常，當以辛溫之劑和之。陰寒在內而痛者，則痛無休止，時欲作利也。當以熱劑溫之。有燥屎宿食為痛者，則不大便，腹滿而痛也。則須下之。經曰：諸痛為實，痛隨利減。此皆為裏證，而治各不同。

此皆為裏證，而治各不同。

桂枝加芍藥湯方

桂枝

生薑各卷兩半

甘草貳兩

芍藥陸兩

大棗拾貳枚

右五味以水七升者取二升去滓分溫三服

桂枝加大黃湯方

桂枝壹兩

芍藥壹兩半

甘草炙半兩

大黃半兩大便實痛者加壹兩虛者照本方

右咬咀大棗三枚生薑四片水煎溫服

張或謂太陰病用四逆輩固當然復用桂枝大黃夫大黃至寒何為用之於陰經又兼桂枝大黃寒熱相

雜而用何也曰夫自利而渴者屬少陰為寒在下焦自利不渴者屬太陰為寒在中焦以四逆等湯溫其藏此本經當用之藥也其太陽病反下之表邪未解乘虛傳於太陰因而腹滿時痛用桂枝芍藥湯若太實痛者桂枝加大黃以除表裏之邪已上一節雖下後而利已此兼有滿痛形證故用芍藥大黃為宜若脈浮弱其人續自便利設當行大黃芍藥者宜減之以其人胃氣弱故易動也

趙活人書第四問太陰經病證中云腹滿時痛屬太陰也又云腹痛桂枝加芍藥湯痛甚桂枝加大黃湯

愚詳太陰病腹滿證有三有次第傳經之邪有直入本經之邪有下後內陷之邪不可不辨也如腹滿咽乾者此非傳經之陽邪者乎法當下之腹滿而吐食不下自利益甚時腹自痛若下之必胸下結鞭此非直入本經之陰邪者乎法當溫之如太陽病醫反下之因爾腹滿時痛此誤下內陷之邪也法當用桂枝加芍藥湯大實痛者桂枝加大黃湯今此問中不言桂枝加芍藥加大黃一湯為治誤下後之劑又不曰大實痛但曰痛甚設遇本經直入陰邪腹滿時痛而脈沉細者依此用桂枝加芍藥大黃輩下之豈不貽

胸下結鞭之悔又所謂太實痛者乃胃中邪實結燥而痛則痛甚與大實證全別以是知本經陰邪腹滿者宜理中加青皮陳皮傳經之邪腹滿咽乾者屬大柴胡誤下後腹滿痛方見上

太陰病脈弱其人續自便利設當行大黃芍藥者宜戒之以其人胃氣弱易動故也 太陰中風四肢煩疼脈

陽微陰澀而長者為欲愈內經曰四肢皆稟氣于胃而不得至經必因于脾脾病不能為胃行其津液四肢不稟水穀氣日以就衰脾道不利筋脈血肉皆無氣以生故不用脾在時則寄王於四季在火則應於手足故太陰病則四肢應之 太陽病欲解時從亥至丑上

脾為陰土王於亥子丑向陽故云解時

傷寒太陰病 卷之四
活古人以四日太陰證病在胸膈可吐而愈何也答
曰不然有太陰證脉大胸滿多痰者可吐之脉大而
無吐證者可汗而已太抵在表者汗之在裏者下之
在上者瀉之在下者泄之瓜蒌梔豉隨證施用不可
拘以日數也

趙活人五十六問云陰證有發熱者乎太陰厥陰皆
不發熱只少陰有發熱證愚詳仲景論中三陰皆有
發熱如少陰二證外又有吐利手足不逆冷反發熱
者不死少陰病一身手足盡熱以熱在膀胱必便血
少陰病四逆散中用柴胡亦有發熱又厥陰病先厥

後發熱而利者必自止下利脉數有微熱汗出今欲
愈面赤身微熱為鬱冒嘔而發熱小柴胡與夫太陰
病中風四肢煩疼是三陰皆有發熱何其言之拘耶
又云太陰篇無吐法如虛煩渴實等證可吐者皆屬
他經獨華佗云四日在胸可吐之亦不曰太陰今活
人傷寒問中云太陰病在胸膈可吐何耶况胸中本
非太陰經部分仲景雖有下之則胸結鞭是誤下後
壞病也而胸下乃近心腹處亦非吐藥可治也至于
論肺仲景但云太陰尺寸皆沉細亦未嘗言脉大

腹滿

腹滿俗云肚脹有屬熱者有屬寒者陽熱則腹滿咽乾或太小便祕澀或潮熱譫語等證陰則腹滿吐食不下自利益甚時腹自痛雖然腹滿為裏證又有淺深之別經曰表已解內不消非大滿猶生寒熱則病不除是未全入府邪猶淺也若太滿太實堅有燥屎可除下之雖四五日不能為禍是已入府邪已深也腹滿固多可下又有虛實之殊經曰腹滿不減為實可下去之若腹滿時減為虛則不可下又曰腹滿不減減不足言當下之要略曰腹滿時減復如故此虛寒從下上也當以溫藥

和之蓋虛氣留滯亦為之脹但比實者不至堅痛爾諸經皆有腹滿但太陰屬脾土位中央又專主腹滿之候腹滿之證二十餘條治法有汗吐下溫刺之異又有汗吐下後成腹脹者治法亦各不同蓋胃為津液之主發汗亡陽則胃氣虛而不能敷布諸氣壅滯而為脹滿是當溫散厚朴生薑甘草半夏人參湯可也吐後邪氣不去加之腹脹滿者胸中之邪下傳入胃壅而為實故生脹滿當須下之調胃承氣湯可也邪未入府而妄下之表邪乘虛入鬱胸中有虛煩氣上下不得通利腹為之滿故當吐之梔子厚朴湯可也醫者能審邪氣所起之

由來真知邪氣所在之虛實發汗吐下之不差溫補針艾之適當則十全之功可得也 又結胸從心下起至少腹鞭滿而痛與腹滿類也然結胸按之則痛手不可近腹痛舉按常痛手近不甚也又痞亦從心下起至少腹亦與滿類也然痞或止留心下腹滿但在腹之中也 有此為異臨證宜審

太陽發汗後腹脹滿者厚朴生薑甘草半夏人參湯

後腹脹與下後腹脹皆為實言邪氣乘虛入裏為實發汗後外已解也腹脹滿短非裏實由脾胃津液不足氣滯不通壅而為滿與此湯和脾胃而降氣○張或問太陽篇中發汗後諸證不言太陽病固所當然亦合列於傷寒之右何故止言發汗後腹脹者厚朴半夏人參湯主之予曰凡言發汗後者以外無表證裏無別術

傷寒脈論
止有腹脹一事而已除此之外即獲全安夫傷寒二字
豈可易言哉其傳變吉凶猶反掌耳可與所餘一證而
並例哉其諸汗後
條自不殊此意

厚朴生薑人參甘草半夏湯方

厚朴炙去皮 生薑各半斤 人參壹兩

半夏洗 甘草貳兩

右五味以水一斗煮取三升去滓温服一升日三服

傷寒下後心煩腹滿卧起不安梔子厚朴湯主之成下
腹滿而不心煩則邪氣入裏為裏實但心煩而不腹滿則邪氣在胸中為虛煩既煩且滿則邪氣壅于胸腹間也滿者不能坐煩者不能卧故令卧 太陽病過經十餘日心下温温欲吐而胸痛大便反澹腹微滿

煩先時自極吐下者調胃承氣湯若不愈不可與但欲

嘔胸中痛微澹者此非柴胡證以嘔知極吐下也吳茱萸湯

半夏瀉心湯 太陽病中風以火劫發汗邪風被火熱

血氣流溢失其常度兩陽相薰灼其身發黃陽盛則欲

衄陰虛則小便難陰陽俱虛竭身體則枯燥但頭汗出

劑頸而還腹滿微喘口乾咽爛或不大便久則譫語甚

者至噦手足躁擾捻衣摸床小便利者可治 傷寒腹

滿譫語寸口脈浮而緊此肝乘脾名曰縱刺期門腹滿

者脾胃疾也浮緊者肝脈也脾病見肝脈木行乘土也經曰水行乘火木行乘土各曰縱此其類矣期門者胃之募刺之以瀉肝經盛氣 傷寒發熱齶齶惡寒大渴引飲腹滿自

汗小便利病欲愈此肝乘肺也名曰橫刺期門按傷寒發熱惡寒表病也至於自汗出則表已解矣大渴腹滿裏病也至于小便利則裏自和矣故曰其病欲解欲解則當俟其自愈矣刺期門三字疑衍

陽明中風口苦咽乾腹滿微喘發熱惡寒脈浮而緊若下之則腹滿小便難也麻黃湯三陽合病腹滿身重難以轉側口不仁面垢譫語遺尿發汗則譫語下之則額上生汗手足逆冷若自汗者白虎湯

陽明病脈遲食難用飽飽則微煩頭眩必小便難此欲作穀疸雖下之腹滿如故所以然者以脈遲故也梔櫛湯傷寒吐後腹脹滿者與調胃承氣湯成內經云諸腹脹大屬于熱熱在上焦則吐吐後不解復腹脹

滿者邪熱入胃也與調胃承氣湯下其胃熱

宜大承氣湯腹滿時減減不足言當下之宜大承氣湯滿者邪熱入胃也與調胃承氣湯下其胃熱發汗不解腹滿痛者急下之

湯義且言若但滿而不痛雖未可以為實若滿而不減者亦可下也○張或謂減不足言復曰當下之何也此古之文法如是也言腹滿不減當下之宜大承氣湯此

減不足言也然承氣湯當綴于腹滿不減處非可續于減不足言之下也假如太陽篇中云傷寒不便六七日

頭痛有熱者與承氣湯其小使清者知不在裏仍在表也當須發汗若頭痛者必衄宜桂枝湯緣桂枝當發汗而設非為滋潤而用也以其文法所拘致令後世治衄有麻黃桂枝之誤其減不足言之說亦不外乎是理

陽明病下之心中懊憹而煩胃中有燥屎者太承氣湯腹微滿必初硬後溏不可

攻下後心中懊憹而煩者虛煩也當與梔子豉湯若胃中有燥屎者非虛煩也可與大承氣湯下之其腹微

傷寒腹滿

十五

滿初鞭後溏是無燥屎此熱不在胃而在上也故不可攻 傷寒七八日身黃如橘
 子色小便不利腹微滿者茵陳蒿湯 陽明病脈遲雖
 汗出不惡寒者其身必重短氣腹滿而喘有潮熱者此
 外欲解可攻裏也手足濇然汗出者此大便已鞭也大
 承氣湯若汗多微發熱惡寒者表未解也其熱不潮未
 可與承氣若腹大滿不通者可與小承氣湯微和胃氣
 勿令大泄下 陽明病脈浮而緊口苦咽乾腹滿而喘
 發熱汗出不惡寒反惡熱身重五苓散 白虎湯 陽明病潮熱
 大便微鞭者大承氣湯若不大便六七日恐有燥屎少
 與承氣湯湯入腹中不轉失氣者此但初鞭後溏不可

攻攻之必脹滿不能食飲水者飲水則噦後發熱者
 必大便復鞭宜小承氣湯 陽明中風脈弦浮大短氣
 腹都滿脇下及心痛久按之氣不通鼻乾不得汗嗜臥
 身及面目悉黃小便難潮熱時噦者與小柴胡湯脈但
 浮無餘證者麻黃湯

太陰為病腹滿而吐食不下自利益甚時腹自痛若下
 之必胸下結鞭理中湯在不在 張或謂凡傷寒初受者
 明少陽也病有自陰經而入者未審何經先受也夫大
 陽先受也病自陽經發者為外感風寒邪從表入故太
 陽先受之也病自陰經起者為內傷生冷飲食過多故
 從太陰入也夫太陰者脾也以飲食生冷則傷脾故腹
 滿而吐食不下自利不 桂枝加芍藥桂枝加大黃二
 風手足自溫等證也

證前條見

少陰病六七日腹脹不大便者急下之宜大承氣湯

少陰入府也六七日少陰之邪入府之時陽明內熱壅甚腹滿不大便也陽明病土勝腎水則乾急與大承氣湯以救腎水

厥陰下利清穀不可汗汗出必腹滿

滿身體疼痛者先溫其裏四逆湯乃攻其表桂枝湯

腹滿者裏有虛寒先與四逆湯溫裏身疼傷寒噦而痛為表未解利止裏和與桂枝湯攻表

腹滿視其前後何部不利利之則愈

後部不利者則利之以降其氣前部小便利也後部大便也或用五苓散小承氣湯

禁忌不大便六七日少與小承氣湯不轉失氣者不可

攻攻之則腹滿不能食

大便不通腹滿吐利者急下

論見前腹滿肌浮緊口苦咽乾者急汗下

論見前腹滿肌弱自利設用大黃芍藥

宜減之

論見太陰病條

○附 活若飲食不節寒中陰經胸膈不快腹滿閉塞唇青手

足冷脈沉細少情緒或腹痛急作理中湯加青皮每服

一二劑胃即快矣枳實理中丸五積散尤妙 腹脹滿

者宜桔梗半夏湯 桔梗半夏湯 治傷寒心腹痞滿時發疼痛

桔梗

微炒

半夏

薑製

橘紅

各壹兩

右咬咀每服四錢生薑二片水煎服

海少陰證小便遺瀝大便遺失其人病六七日靜重如山目不視體如水腹脹滿與物則咽不與則不求其肌沉細而微疾按之有力宜急下之與大承氣湯

腹痛

邪氣入裏與正氣搏則為腹痛所以痛者有異焉腹痛屬裏正太陽經腹不痛少陽有胸脇痛而無腹痛若有陽明腹滿急而痛此為裏實宜下之大柴胡湯小承氣湯三陰下利清穀而又腹痛者裏寒故也此總論太陽經陽中之陰四逆湯附子理中湯陽氣傳太陰經腹滿而痛其證有二有實痛有虛痛腸鳴泄利而痛者虛痛也此獨論太陰經陰中之陽小建中湯即桂枝加芍藥湯但桂有厚薄爾不瘥則小柴胡湯去芍加芍藥如數腹滿大便秘按之痛者實痛也桂枝加大黃一錢此之

傷寒腹痛

虛痛實痛乃是以陽邪漸消為虛陽氣正大為實

太陽傷寒陽肌澀陰肌弦法當腹中急痛先與小建中

湯不差與小柴胡湯成厥陽澀陰弦而腹中急痛者當

中散寒若不差者非裏寒也必由邪氣自表之裏裏氣

不利所致與小柴胡湯去黃芩加芍藥以除傳裏之邪

小建中湯方

桂枝 去麤皮

生薑 切各

芍藥 陸兩

甘艸 炙貳兩

大棗 拾貳枚

膠飴 壹升

右六味以水七升煮取三升去滓內膠飴更上微火

消解溫服一升日三啜家不可用建中湯以甜故也

內經曰肝生於左肺藏於右心位在上腎處在下脾

者土也應中央居四藏之中為中州生有榮衛通行

津液一有不調則榮衛失所津液失所行必此湯

溫建中藏是以建中各為脾欲緩急食甘以緩之健

脾者必以甘為主故以膠飴甘溫為君甘草甘平為

臣桂辛熱辛散也潤也榮衛不足潤而散之芍藥味

微寒酸收也泄也津液不速收而行之是以芍藥桂

為佐生薑味辛溫大棗味甘溫胃者衛之源脾者榮

之本針經曰榮出中焦衛出上焦是矣衛為陽不足

者益之必以辛榮為陰不足補之必以甘辛甘相合

脾胃健而榮衛通是以薑棗為使或謂桂枝湯解表

而芍藥數少建中湯溫裏而芍藥數多何也皮膚為

近則制小其服此所以為不同也

傷寒胸中有熱胃中有邪氣腹中痛欲嘔吐者黃連湯

主之成濕家下後舌上如胎者以丹田有熱胸上有寒

是邪氣入裏而為下熱上寒也此傷寒邪氣傳裏

而為下寒上熱也胃中有邪氣使陰陽不交陰不得升

而獨治于下為下寒腹中痛陽不得降而獨治于上為

胸中熱欲嘔吐與黃

連湯升降陰陽之氣

黃連湯方

黃連

甘草 炙

乾薑 炮

桂枝 去蘆皮 各參兩

人參 貳兩

半夏 半升

大棗 拾貳枚

右七味以水一斗煮取六升去滓溫服一升日三服

夜一服

上熱者泄之以苦黃連之苦以降陽下寒者散之以辛桂薑半夏之辛以升陰脾欲緩急食甘以緩之參甘草大棗之甘以益胃

傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞鞭或心下悸小便不利或不渴身有微熱或欬者與小

柴胡湯

二陽併病太陽初得病時發汗不徹因轉屬

陽明續自微汗不惡寒若太陽證不罷者不可下可小

發汗設面色緣緣正赤者陽氣怫鬱在表當解之熏之

若發汗不徹其人煩燥不知痛處乍在腹中乍在四肢

按之不可得其人短氣但坐以汗出不徹更發汗則愈

以肌澀知之桂枝湯不惡寒大柴胡湯小汗宜

陽明病人不大便五六日繞臍痛煩躁發作有時此有

燥屎故使不大便也因不大便五六日者則大便必結

故繞臍痛煩躁發作有時也大下後六七日不大便煩不解腹滿

痛者此有燥屎也所以然者本有宿食故也太承氣湯

主之大下之後則胃弱不能消穀至六七日不大便則宿食已結不消故使煩熱不解而腹滿痛是知有燥屎也與太承氣湯以下除之發汗不解腹滿痛者急下之

少陰病二三日不已至四五日腹痛小便不利四肢沉

重疼痛自下利者此為有水氣其人或欬或嘔或下利

或小便利真武湯成少陰病二三日則邪氣猶淺至四五日則邪氣已深腎主水腎病不能制水水飲停為水氣腹痛者寒濕內甚也四肢沉重疼痛寒濕外甚也小便不利自下利者濕勝而水穀不別也

手足厥逆脈微欲絕反不惡寒面赤色或腹痛或乾嘔

或咽痛或利止脈不出者通脈四逆湯主之下利清穀手足厥冷脈微欲絕為裏寒身熱不惡寒面赤色為外熱此陰盛於內格陽於外不相通也與通脈四逆湯散陰通陽

少陰病下利清穀裏寒外熱

或咽痛或利止脈不出者通脈四逆湯主之

少陰病四逆其人或欬或悸或小便不利或腹中痛

或泄利下重者四逆散主之四逆者四肢不溫也傷寒邪在三陽則手足必熱傳

到太陰手足自溫至少陰則熱邪漸深故四肢逆而不溫也及至厥陰則手足厥冷是又甚于逆與四逆散以散傳經之熱也

少陰病二三日至四五日腹痛小便不利下

利不止便膿血者桃花湯一二三日至四五日寒邪入裏深也腹痛者裏寒也小便不利者水穀不別也下利不止便膿血者腸胃虛弱下焦不固也與桃花湯固腸止利也

太陰為病腹滿吐食不下自利益甚時腹自痛若下之

必胸下結鞅或用理中湯元本太陽病醫反下之因

爾腹滿時痛屬太陰也桂枝加芍藥湯大實痛者桂枝

加大黃湯詳見前

失之四

厥陰傷寒四五日腹中痛若轉氣下趣少腹者此欲下利也傷寒四五日邪氣傳裏之時腹中痛轉氣下趣少利也腹者裏虛遇寒寒氣下行欲作自利也○或用附子乾薑湯

四逆湯
〔雲〕傷寒邪在三陰內不得交通故為腹痛手足之經皆會於腹如脈弦而腹痛過在足厥陰肝手太陰肺刺太衝太淵太陵如脈沉而腹痛過在足太陰脾少陰腎手厥陰心包刺太谿太陵如脈沉細而痛過在足太陰脾手少陰心刺太白神門三陰交此刺腹痛之法也

〔吳〕凡腹中痛可按可揉者內虛也不可按不可揉者

內實也王海藏言中脘痛者屬脾土脈沉遲內寒者理中湯或用附子理中丸主之若陽脈濇陰脈弦小建中湯主之若小腹痛屬厥陰經分宜當歸四逆湯加吳茱萸主之厥逆者四逆湯加吳茱萸主之若太實腹滿而痛或繞臍刺痛不大便脈實者以大承氣湯下之凡潮熱不大便從心下至少腹鞭滿而痛手不可近者大陷胸湯下之若脈弦腹痛無熱無寒者芍藥甘草湯主之凡脈弦口苦發熱腹中痛者小柴胡去人參加炒白芍湯主之若寒熱交作腹中痛者加肉桂芍藥主之若寒多而痛者去黃芩倍肉桂芍

藥也凡少陰發熱手足冷腹中痛者四逆散加附子湯肉桂炒芍藥吳茱萸主之也凡發熱脈洪弦而腹痛者芍藥黃芩湯主之太抵腹痛有虛有實有冷有熱要在脈證辨而用之凡畜血亦令入腹痛手不可近自有本條若自利腹痛小便清白便當溫也理中四逆看微甚用輕者五積散重者四逆湯無脈者通脈四逆湯使陰退而陽復也腹痛欲吐利而煩躁者多有痧毒世俗括刺委中穴凡脈微弦少腹痛厥陰也宜刺太衝太淵太陵灸歸來關元脈沉臍腹痛少陰也宜刺太白神門二陰灸中脘

陶傷寒腹中痛用凉水飲之其痛稍可者屬熱當用涼藥不巳而或繞臍硬痛大便結實煩渴屬燥屎痛急用寒藥下之或食積痛治亦如之若小腹硬痛小便自利大便黑身自黃者屬畜血痛治亦如之加行血藥下盡黑物自愈此二者痛隨利減之法也若飲水愈痛屬寒當用溫藥不巳而或四肢厥冷腹痛嘔吐泄利急用熱藥須詳脈來有力無力方可

劉氏用灰包熨腹痛

龐合灸不灸久則冷結氣上衝心而死

活身無大熱煩渴大便實或腹痛滿及生赤癍疹者

調胃承氣湯黃連橘皮湯

腹痛兼頭痛發熱身痛吐利為霍亂欲吐不吐欲瀉不瀉為乾霍亂治法詳雜病霍亂門

[Faint bleed-through text from the reverse side of the page]

黃王叔和入陽明篇海藏云色如煙熏黃乃濕病也一身盡痛色如橘黃乃黃病也一身不痛

成濕熱俱甚則發身黃傷寒至于發黃為病亦已甚矣邪風被火兩陽相薰其身必黃陽明病被火額上汗出小便不利必發身黃此皆由內有熱而被火攻發黃者也陽明病無汗小便不利心中懊憹必發黃者由陽明熱盛而發黃也傷寒汗已身自為黃以寒濕在裏不解故也此不可下宜于寒濕中求之是知非特濕熱發黃而寒濕亦發黃也但寒濕之黃身如薰黃色暗而不明也熱盛之黃黃如橘色出染着衣正黃如檠也大抵黃家屬太陰太陰為濕熱蒸之而致經曰太陰當發身黃

是也一或厥沉結少腹鞭小便自利其人如狂者又為畜血在下焦使之黃也發黃非止寸口近掌無脈鼻氣出冷為不治之證又若形體如烟熏直視搖頭為心絕環口微黑柔汗發黃為脾絕是皆不治之證也

太陽病身黃脈沉結少腹鞭小便自利其人如狂者血也抵當湯詳畜血得病六七日脈遲浮弱惡風寒手足

溫醫數下之不能食腸下滿痛項強小便難面目及身黃茵陳五苓散太陽病脈浮動數頭痛發熱微盜汗

出反惡寒表未解也醫反下之客氣動膈若不結胸但頭汗出小便不利身必發黃梔子檉皮湯太陽中風

梔子檉皮湯詳頭汗

以火劫汗兩陽相薰其身發黃陽盛欲衄陰虛小便難陰陽俱虛身體枯燥防已黃芪湯梔子檉皮湯詳頭汗

梔子檉皮湯方
梔子拾伍箇 甘草壹兩 黃檉貳兩

右三味以水四升煮取一升半去滓分溫再服

若發汗已身灼熱者名曰風溫脈陰陽俱浮自汗身重多眠睡鼻息必齁語言難出若被火者微發黃色太陽病已汗遂發熱惡寒復下之表裏俱虛復加燒針因胸煩面青膚潤者難治色微黃手足溫者易愈色微黃非病也

所以驗其病之易愈也

陽明傷寒，瘧熱在裏，身必發黃。麻黃連軹赤小豆湯。
麻黃連軹赤小豆湯方

麻黃

去節

生薑

切

連軹

連翹根也

甘草

炙四味 各貳兩

杏仁

肆拾粒 泡 去皮尖

大棗

拾貳枚 擘

生梓白皮

切 壹升

赤小豆

壹升

右八味以潦水一斗先煮麻黃再沸去上沫內諸藥

者取三升去滓分溫三服半日服盡

內經曰濕上甚而熱以苦溫佐以甘辛以滌為故 正此之謂也又煎用潦水者亦取其水味薄則不助 氣濕

陽明病發熱但頭汗出小便不利渴飲水漿此瘧熱在

裏身必發黃茵陳蒿湯 傷寒七八日身黃如橘子色

小便不利腹微滿者茵陳蒿湯

成當熱甚之時身黃如 橘子色是熱毒發泄于

外內經曰膀胱者州都之官津液藏焉氣化則能出矣 小便不利小腹滿者熱氣甚於外而津液不得下行也

與茵陳蒿湯利 小便退黃逐熱

茵陳蒿湯方

茵陳

陸兩

大黃

貳兩 去皮

肥梔子

拾肆枚 擘

右三味以水一斗先煮茵陳減六升內二味煮取三

升去滓分溫三服小便當利尿如皂角汁狀色正赤

一宿腹減黃從小便去也

成小熱之氣涼以和之 大熱之氣寒以取之 發黃者 熱之極也非大寒之劑則不能徹其熱 酸苦厚泄為 易與黃

陰酸以湧之若以泄之故以茵陳蒿酸苦為君心法南方火而主熱大熱之氣必以苦蕩滌邪熱必假將軍為臣宜補必以酸宜下必以苦蕩滌邪熱必假將軍腹得利以天黃為佐雖甚熱大毒必祛除分泄前後而解矣

陽明病無汗小便不利心中懊憹身必發黃 陽明中風脈弦浮大而短氣腹滿脇下及心痛鼻乾不得汗嗜臥一身及面目悉黃小便難有潮熱時噦耳前後腫病過十日脈續浮者與小柴胡湯脈但浮無餘證者與麻黃湯若不尿腹滿加噦者不治 陽明病面合赤色不可攻必發熱色黃者小便不利也 梔子散 梔子 皮湯 陽明病被火額上微汗小便不利者必發黃 五苓散 梔子 皮湯 傷寒發

汗已身自為黃所以然者以寒濕在裏不解故也不可下于寒濕中求之 成金匱要略謂黃家所起從濕得之為黃者風氣去濕氣在也脾惡濕濕氣內著脾色外奪者身自為黃若瘀血在裏發黃者則可下此以寒濕在裏故不可下當從寒濕法治之

太陰傷寒脈浮而緩手足自溫繫在太陰太陰當發身黃若小便自利者不能發黃以脾家實腐穢當去故也 浮緩亦大之類小便不利者五苓散加茵陳主之小便自利者橘皮湯主之

身黃者身黃小便自利小腹硬而狂大便黑者為畜血則宜抵當湯下之若小腹不硬其人不狂大便不黑者雖小便利非畜血也其為證有二一者梔子檨皮

湯二者麻黃連翹赤小豆湯皆治身黃小便利而身
不疼者海藏所謂乾黃是也三者桂枝附子湯去桂
加白朮湯皆治身黃小便利而身盡痛者活人所
謂中濕是也

張或謂傷寒發黃惟陽明與太陰兩經有之俱言小
便利者不能發黃何也蓋黃者土之正色以太陰與
陽明俱屬土故發黃也其黃之理外不能汗裏不得
小便脾胃之土為熱所蒸故色見于外為黃也若小
便利者熱不內蓄故不能變黃也其有別經發黃者
亦由脾胃之土受邪故也

趙明瘵熱發黃與瘀血發黃外證及脈未嘗相似且
如頭汗出劑頸而還腹微滿小便不利渴飲水漿為
瘵熱證小腹急結其人如狂小腹鞭滿小便自利太
便黑為瘀血證此外證之不似也瘀血脈微而沉或
沉結瘵熱脈則浮滑緊數此脈狀之又不相似也然
則相似者但色黃耳若論黃色之相似非特瘵熱與
瘀血又如風溫被火微發黃色太陽火劫發汗兩陽
相薰灼其身發黃陽明被火額上微汗必發黃者是
又挾火邪所致者外此亦有黃色之不相似者乎曰
濕家之薰黃則異矣可不各以其似不似而明辨歟

附五苓茵陳散方

以茵陳濃煎湯調五苓散二錢服之且三四黃從小便下以小便清為度

橘皮湯方

橘皮 壹兩

生薑 貳兩

細剉水一升半煎七分去滓分二服稍熱呷之未差再作服

茵陳蒿大黃湯治傷寒發黃面目悉黃小便赤宜服

茵陳蒿

山梔仁

柴胡

黃檗 蜜塗炙

龍膽草 各半兩

黃芩 去黑心

升麻

大黃 炒各壹兩

右咬咀每服五錢水壹盞半煎至一盞去滓早晚食後溫服

茅根湯治傷寒發黃遍身如金色者

茅根 洗淨

山梔仁

茵陳蒿

地骨皮

甘草 炙各半兩

右咬咀每服五錢用水一盞半生薑二斤豆豉六七粒同煎至一盞去滓早晚食遠溫服

附

陰黃身冷汗出脈沉而黃為陰黃乃大陰經中濕亦有

體痛發熱者身如熏黃終不如陽黃之明如橘子色也
當即其小便之利與不利小便自利木附湯小便不利
大便反快者五苓散

海傷寒病遇太陽太陰司天若下之太過往往變成陰
黃一則寒水太過水來犯土一則土氣不及水來侵之
多變此疾一則茵陳茯苓湯加當歸桂枝一則茵陳橘
皮湯加薑朮半夏三則茵陳附子湯四則茵陳四逆湯
五則茵陳薑附湯六則茵陳吳茱萸湯方見如左 發
黃小便不利煩躁而渴茵陳湯加茯苓滑石當歸
官桂主之 韓氏名茵 陳茯苓湯 發黃煩躁喘嘔不渴茵陳湯加

陳皮白木生薑半夏茯苓主之 韓氏名茵 陳皮湯 發黃四肢

偏身冷者茵陳湯加附子甘草主之 韓氏名茵 陳附子湯 發黃

肢體逆冷腰上自汗茵陳湯加附子乾薑甘草主之 韓氏名茵 陳附子湯

名茵陳 薑附湯 發黃冷汗不止者茵陳湯加附子乾薑主之 韓氏名茵 陳附子湯

韓氏名茵 陳附子湯 發黃前服薑附諸藥未已脈尚遲者茵陳

加吳茱萸附子乾薑木通當歸主之 韓氏名茵 陳茱萸湯 趙宗

顏因下之太過生黃脈沉細遲無力次第用藥至茵陳

附子湯大效

按海藏次第用藥者謂先投韓氏茵陳茯苓湯次投
茵陳陳皮湯又次投茵陳附子湯後趙秀才次第做

往來寒熱而黃
此發汗不徹而黃

趙秀才因下之早黃病脈寸微尺弱身冷次第用藥至茵陳四逆湯大效傷冷中寒脈弱氣虛變為陰黃仲景理中湯加茵陳服之

海往來寒熱一身盡黃者小柴胡加梔子湯主之

行一僧傷寒發汗不徹有留熱身面皆黃多熱期年不愈醫作食黃治之治不對病不問之食不減尋與此藥服五日病減三分之一十日減三分之二二十日病悉去方用茵陳梔子各二分秦艽升麻各四錢末之每用三錢水四合煎及二合去香食後溫服以知為度

小便不利而黃

活五苓加茵陳蒿湯治發黃而渴小便不利

茵陳蒿湯 十分五苓湯 五分

右二劑拌勻每服參錢日三服水調下

又方傷寒欲發黃者急用瓜蒂末口含水滴一字許入

鼻中出黃水其驗即用茵陳湯調五苓散服之甚效

本治頭中濕熱發黃疽瓜蒂散

瓜蒂 貳拾枚 赤小豆 黍米 各拾肆粒

右為細末如太葶許一粒納鼻中縮以當出黃水慎

不可吹入

雲結胸發黃太陽附本也以結胸痞氣發黃太陰附

結胸痞氣發黃

鼻塞而黃

傷寒論
本也 以痞法

活問白虎證亦有身熱煩渴引飲小便不利何以不發
黃答曰白虎與發黃證相近遍身汗出此為熱越白虎
證也頭面汗出頸已下無汗發黃證也

少陰病 但欲寐嗜臥 口燥咽乾 咽痛

吐 吐利 下利

少陰之為病但欲寐也又欲吐不吐心煩但欲寐五六
日自利而渴者理中四逆輩陰證雖云不用麻黃如少
陰病始得之反發熱脈沉者麻黃細辛附子湯於六經
中但少陰證難辨本經但云脈沉細欲寐小便數而白
背惡寒四肢厥者可不審而知之或雖有惡寒甚者不
覺寒或但喜厚衣近火善瞋睡問之則不言怕寒殊不
知厚衣即惡寒也善瞋睡即但欲寐也其脈微細或沉
澀雖有陰陽俱緊者蓋其人素有熱為表寒外襲故如

傷寒少陰病 辨之四
此但當察其外證為主必以溫藥逐之其陽邪傳入及
夫少陰自受熱證宜下宜吐宜和解者多矣仲景雖不
言脈滑實沉數諸可下之脈然於證則可知矣脈必相
符雖或有反沉微細遲脈不應證者為不可下亦宜涼
劑滋陰退陽而愈者其不愈者必待脈有力而後下之
可也其有證惡寒急下之者倘反有脈不應病亦宜微
下之雖不敢大下亦不可緩也臨病應變之術妙自神
會非俗工之所知良醫之所自得六經同法惟少陰傳
變與太陽相同如通脈四逆湯四逆散真武湯證俱有
加減法謂有或為之證亦猶太陽小青龍小柴胡之類

是也少人知斯妙也

少陰經治法有汗下吐溫和解灸刺

汗 麻黃附子細辛湯 麻黃附子甘草湯

下 大承氣湯 抵當湯

吐 瓜蒂散

溫 四逆湯 桂枝芍藥湯 附子湯

桃花湯 吳茱萸湯 白通湯

白通加豬膽汁湯 真武湯

通脈四逆湯

和解 桂枝甘草龍骨牡蠣湯 黃連阿膠湯

猪膚湯 甘草湯 桔梗湯 苦酒湯
 半夏散 猪苓湯 四逆散
 灸 灸少陰

經云尺寸俱沉者少陰受病也以其肌貫腎絡於肺繫
 舌本故口燥舌乾而渴 少陰之為病肌微細但欲寐
 也 少陰病欲吐不吐心煩但欲寐五六日自利而渴
 者屬少陰也虛故引水自救若小便色白者少陰病形
 悉具小便白者以下焦虛有寒不能制水故令色白也
 病人肌陰陽俱緊反汗出者亡陽也此屬少陰法當
 咽痛而復吐利 少陰病始得之反發熱肌沉者麻黃

附子細辛湯主之

張或云論傳經之邪自三陽而傳至
 太陰太陰則傳少陰此不言傳經而
 言始得之何也夫傳經者古人明理立法之意如此安
 可執而論哉夫三陽傷寒多自太陽入次第而傳至
 厥陰者固有也其三陰傷寒亦有自太陽入次第而傳至
 厥陰者今少陰病始得之反發熱此自少陰而入者故
 云始得之緣少陰無身熱而今有熱故言反發熱以不
 當發熱而熱也為初病邪淺故與麻黃附子細辛湯以
 發散之
 少陰病肌細沉數病為在裏不可發汗成少陰
 病始得
之反發熱肌沉者為邪在經可與發汗若肌細沉數為
 病在裏不可發汗○按陰肌沉細今帶數恐人以為熱
 故舉以告人蓋此數乃沉細之數如經曰數為
 虛者是也非熱則煩數之數也成注欠發明 少陰
 病肌微不可發汗亡陽故也陽已虛尺肌弱瀋者復不
 可下之肌微為亡陽表虛不可發汗肌
 弱瀋為亡陰裏虛復不可下 少陰病得之
 二三日麻黃附子甘草湯微發汗以二三日無裏證故

微發汗也謂初得病二三日常見以陰證以邪未去深故須汗以無陽證故微發之而已

麻黃附子甘草湯方

麻黃去節 甘草各二兩 附子壹枚炮去

右三味以水七升先煮麻黃一兩沸去上沫內諸藥

煮取三升去滓溫服一升日三服

麻黃甘草之甘以散表寒附子之辛以溫寒氣

〔麗〕少陰病脈沉不知何沉也且沉緊發汗則動經細沉數為病在裏不可發汗詳此脈或沉而喘或沉而微不甚小是表中寒而裏不消肌應裏而發熱在表故以小辛之藥溫散而微微取汗也

少陰病得之一二日口中和其背惡寒者當灸之附子

湯上之背者胸中之府諸陽受氣於胃中而轉行於背足陰寒氣盛則背為之惡寒若風寒在表而惡寒者則一身盡寒矣但背惡寒者陰寒氣盛可知如此條是也又或乘陰氣不足陽氣內陷入陰中表陽新虛有背微惡寒者經所謂傷寒無大熱口燥渴心煩背微惡寒白虎加人參湯主之是也一為陰寒氣盛一為陽氣內陷何以明之蓋陰寒為病則不能消耗津液故於少陰病則曰口中和及陽氣內陷則熱燥津液為乾故於太陽病則曰口燥舌乾而渴也要辨陰陽寒熱不同者當於口中潤燥詳之

附子湯方

附子貳枚炮去 白朮肆兩 芍藥各參兩 人參貳兩 茯苓

右五味以水八升者取三升去滓溫服一升日三服
辛以散之附子之辛以散之甘以緩之茯苓人參白朮之甘以補陽酸以收之芍藥之酸以扶陰所以然者偏陰偏陽則為病火欲實水當平之不欲偏勝也

少陰病得之二三日已上心中煩不得臥黃連阿膠湯
主之得方見不 少陰病六七日腹脹不大便者急下之
大承氣湯

少陰病四逆其人或欬或悸或小便利或腹中痛或泄利下重者四逆散主之
四逆散方

枳實破水浸 柴胡 芍藥各等分

右四味各十分搗篩白飲和服方寸匕日三服
欬者加五味子乾薑各五分并主下利
悸者加桂枝五分
小便利者加茯苓五分
腹中痛者加附子一枚炮令圻
泄利下重者先以水五升煮薤白三升煮取三升去滓以散三方寸匕納湯中者取一升半分溫再服

少陰病手足逆冷其人若下利後重者此條四逆散加薤白湯若下利脈絕及無脈者通脈四逆湯白通加豬膽汁湯方論見多 若身體骨節痛脈沉者宜附子湯
少陰病脈沉者急溫之宜四逆湯方見 少陰病身體

痛手足寒骨節痛肌沉者附子湯主之 少陰病肌沉發執者宜麻黃附子細辛湯 少陰病欲解時從子至寅上 少陰病惡寒而踈時自煩欲去衣被者可治 少陰病下利止而頭眩時時自冒者死 少陰中風脈陽微陰浮者為欲愈 少陰病肌微細沉但欲臥汗出不煩自欲吐至五六日自利復煩躁不得寤寐者死 少陰病六七日息高者死 少陰病脈緊至七八日自利脈緊變暴微厥手足反溫者欲解也 論見下利 少陰病八九日一身手足盡熱者以熱在膀胱必便血也 少陰病但厥無汗而強發之必動其血未知從何道出或

從口鼻或從目出是名下厥上竭為難治 少陰病四逆惡寒而身踈脈不至不煩而躁者死 少陰病惡寒身踈而利手足逆冷者不可治

戴若元元欲吐心煩喜寐或自利口燥而渴或口中和而背惡寒此屬少陰經但少陰用藥有陰陽之分自利而渴者宜猪苓湯蓋陽熱傳入腎少陰經腎係舌本故自利口燥而渴以猪苓湯利腎中之熱不愈則當自大便去之古法合用大承氣湯若難用大承氣湯則用小承氣湯或且進白頭翁湯上項諸藥為陰中涵陽者也 泄利下重其人四逆先以水盪半

葱白二根煎一盞去葱煎四逆散至七分咳加北五味子乾薑各半錢悸加桂枝一錢小便不利加茯苓一錢腹痛加熟附半錢若審是下利清穀手足四逆其人面戴赤或腹痛或乾嘔或咽痛四逆湯倍乾薑面赤者加葱一根腹痛加芍藥一錢半嘔加生薑咽痛加桔梗一錢若口中和而背惡寒宜正方四逆湯不必加減四逆散四逆湯俱治少陰下利四肢逆冷泄利下重者與下利清穀者一涼一溫又自有陰有陽之別若初得病便見少陰證其人發熱惡寒身疼頭不痛者宜麻黃細辛附子湯微汗之或五

積散加熟附半錢或五積散加以順元散

但欲寐嗜卧

衛氣寤則行陽寐則行陰而寐也必從足少陰始故少陰之為病脉微細但欲寐

太陽病十日已去脉浮細嗜卧者外已解也胸滿脇痛者小柴胡湯脉但浮者與

麻黃湯此條當是太陽少陽二經合病胸滿雖與前同而脉浮細嗜卧則為表邪已解脇痛為少陽有邪故與柴胡若脉但浮者又當先治太陽也此是設

為變通之言非謂服柴胡而脉浮也成註不足遵


口燥咽乾但欲寐詳吐欲吐不吐但欲寐詳吐吐利

但欲寐詳吐下利但欲寐詳吐脉浮汗出多眠若

身重息斲者風温詳風若合自則盜汗出此三陽合

病詳盜汗

傷寒少陰病
中之四



傷寒論卷之四
狐惑病默默欲眠目不得閉不欲飲食惡聞食臭其面
目乍赤乍黑乍白其聲啞者甘草瀉心湯咽乾者苦參
湯其肛虫蝕雄黃薰之其脉數無熱日赤皆暈者當
歸赤小豆散詳狐惑

口燥咽乾已附見口苦咽乾條內
咽痛

太陽陽明咽痛各一證悉屬熱也太陽治以半夏散陽
明治以四逆散加桔梗少陰咽痛有六證熱證者四寒
證者一熱者治以豬膚湯甘草湯桔梗湯苦酒湯半夏
散寒者治以桂枝乾薑湯真武湯四逆湯厥陰咽痛一
法亦熱也治以桔梗湯咽痛皆熱證何獨少陰一證寒
耶其一以汗多亡陽故用乾薑附子以復陽溫經也其
一以陰盛格陽故用通脉四逆以散陰通陽也
太陽病下之脉緊者必咽喉痛半夏湯

半夏散及湯方

半夏製

桂枝

甘草炙各等分

右咬咀水煎服少少咽之為散白湯調服方寸匕亦效日三服仲景法為散調服不咬咀

成甘草湯主少陰客熱咽痛桔梗湯主少陰寒熱相搏咽痛半夏散及湯主少陰客寒咽痛

陽明病但頭眩不惡寒故能食而欬其人必咽痛若不欬者咽不痛詳方

少陰厥陰少陰病二三日咽痛者可與甘草湯不瘥者與桔梗湯陽邪傳於少陰為咽痛服甘草湯則差若寒熱相搏為咽痛者服甘草湯不差與桔梗湯

以和少陰之氣

甘草湯方

甘草貳兩

右一味以水三升煮取一升半去滓溫服七合日二服

桔梗湯方

桔梗壹兩

甘草貳兩

右二味以水三升煮取一升去滓分溫再服

桔梗味辛溫以散寒甘草味甘平以除熱甘梗相合以調寒熱

少陰病咽中痛半夏散及湯主之少陰病咽中傷生瘡不能語言聲不出者苦酒湯主之

苦酒湯方

半夏

拾肆枚洗破棗核大 鷄子壹枚去黃內上苦酒著鷄子殼中

右一味內半夏著苦酒中以鷄子殼置刀環中安火
上令三沸去滓少含嚥之不差更作三劑

按苦酒本草注曰醢也而成氏復云苦酒之酸予則以為名義俱乖安知酒之味苦者不可以已咽者耶若嫌酒之性熱則下半夏湯更平况此味苦哉下文發字與斂字自相反

脈陰陽俱緊反汗出者亡陽也此屬少陰法當咽痛而

復吐利傷寒先厥後熱者下利必自止止而反汗出

者其喉為痺厥而利發熱則利必止反汗出者亡陽也則陰陽結而為喉痺也內經曰亡陽則陰獨復會于熱

一陰一陽結為喉痺○詳下利咽痛下利兼胸痛者

猪膚湯手足厥冷脈微欲絕不惡寒面赤者通脈四逆

湯下後復厥逆下部脈不至者麻黃升麻湯並見下利

陽毒咽痛面赤斑斑如錦紋唾膿血五日可治七日不

可治宜升麻鼈甲湯活人云陽毒升麻湯主之論見陽毒條

陰毒咽痛面目青身痛如被杖五日可治七日不可治

升麻鼈甲去雄黃蜀椒湯活人云陰毒甘草湯主之論見陰毒條

禁忌咽中閉塞不可發汗發汗則吐血氣欲絕手足厥

冷欲得蹠臥不能自溫咽中閉塞不可下下之則上

輕下重水漿不下臥則欲蹠身急頭眩下利日數十行

張或云六經傷寒皆不言咽痛惟少陰篇中有咽痛

咽傷之證何也夫少陰咽痛乃經絡所繫蓋少陰之

脈上貫肝膈入肺循喉嚨繫舌本故有咽傷痛之患

內經曰所生病者咽腫上氣盜乾及痛此經脈所繫邪氣循行而致然也

○附

活半夏桂枝甘草湯治伏氣之病謂非時有暴寒中伏氣於少陰經始不覺病旬月乃發脈更微弱先發咽痛似傷寒非喉痺之病必下利始用半夏桂枝甘草湯主之此病一古曰便瘥古方謂之腎傷寒也次用四逆主之

半夏桂枝甘草湯

半夏 湯洗

甘草 炙

桂心 各等分

右咬咀每服四錢水煎候冷少少細呷之

趙活人書近來見四樣印本皆是四逆散然四逆散不生咽痛恐刊者之誤不能無疑仲景論云四逆散治少陰病傳邪作熱四肢逆而不溫者今此證蓋是伏寒於少陰經而脈微弱法當溫散既先用半夏桂甘湯溫劑何復用柴胡寒劑繼之此必是四逆湯也何況通脈四逆湯方後有咽痛加桔梗之例用此又何疑焉

吳凡咽痛有陰陽二毒凡陽毒咽喉腫痛乃熱極也陰毒咽喉不利乃冷極也陽毒脉浮數而大咽痛吐

膿血千金外臺用烏扇膏治之活人用黑奴丸又陽
氣獨勝狂躁咽痛脉洪實滑促活人用葶藶苦酒湯
治傷寒咽痛用生甘草濃煎湯與之 水浸山豆
根苦水含之或用鶴虱草搗汁入米醋漱喉中亦妙
劉咽痛有瘡黃檗細辛末吹之 凡傷寒顛頰紅腫
并咽喉腫痛者刺少商委中出血少商穴在手大指
端內側去爪甲角如韭葉以三稜針刺血出愈
戴亦有初得病頭痛發熱無陽毒少陰諸證而咽喉
自痛者此因感冒後頓用厚衣被堆壅或用蠶法服
生薑熱酒卽卧遂成上壅或先有壅熱欲取涼快致

爲疔邪所襲既有風寒又有熱壅宜參蘇飲倍桔梗
加木香半錢或消風百解散或敗毒散或五積散敗
毒散各半貼名交加散

吐吐與嘔之別已見嘔門欲吐亦附乾嘔條內宜

腹滿時痛而吐者太陰病論見腹滿活人云理中湯主之

少陰病飲食入口則吐心中噤噤欲吐復不能吐始得

之手足寒脈弦遲者此胸中實不可下也當吐之若膈

上有寒飲乾嘔者不可吐也急溫之宜四逆湯成傷寒

裏至於少陰少陰之脈從肺出絡心注胃中邪既留於

胃中而不散者飲食入口則吐心中噤噤欲吐外是以氣

於胸中邪既留於胸中則陽氣不得宣發於外是以氣

得之手足寒脈弦遲此是胸中實而手足寒吐則膈

上有寒飲亦使入心中噤噤而手足寒吐則膈


物不出吐與嘔別焉胃中實則吐而物出若膈上有寒

飲則但乾嘔而不吐也此不

可吐可與四逆湯以溫其膈

吐五日變自利煩躁不得寐者死詳但欲寐

易與吐



乾嘔吐涎沫頭痛者宜

吳茱萸湯

治吐利手足厥冷煩燥欲死

嘔而胸滿

吳茱萸

湯泡洗

生薑

各壹兩半

人參

柒錢半

大棗 叁枚

右咬咀水煎去滓分二服

內經曰寒淫於內治以甘熱佐以苦辛吳茱萸黃連薑之辛以溫胃人參大棗之甘以緩脾

傷寒本自寒下醫復吐下之寒格更逆吐下

傷寒本自寒下醫復吐下之寒格更逆吐下遂厥經作更

出若食入口即吐乾薑黃連黃芩人參湯主之

是本自吐下玩復字可見蓋胃寒則吐下寒則利胃寒者不宜吐醫反吐之則傷胃氣遂成寒格下文文氣不

再買當有
關文

乾薑黃連黃芩人參湯方

乾薑

黃連

黃芩

人參

各叁兩

右四味以水六升者取一升去滓分溫再服

辛以散之甘以緩之乾薑人參之甘辛以補正氣苦以泄之黃連黃芩之苦以通寒格

太陽病吐後汗出不惡寒發熱關脈細數欲食冷食朝

食暮吐此為小逆

病人脈數為熱當消穀引食而反吐者此因發汗令陽

氣微膈氣虛脈乃數也數而客熱者不能消穀以胃中

虛冷故也 凡服桂枝湯而吐者必吐膿血也

註云內熱者服

桂枝湯則吐如
酒客之類是也
吐厥逆者甘草乾薑湯

○附

活吐有冷熱上證寸口脉數手心熱煩渴而吐以有熱
在胃脘五苓散主之 寒多不飲水而吐者理中湯去
米加生薑主之

陰證喘促及吐逆者返陰丹入口便住

大橘皮湯 治動氣在下不可發汗發又無汗心煩骨
節疼痛目暈惡寒食則反吐穀不得入先服大橘皮
湯吐止後宜服建中湯

橘皮 壹兩半

生薑 壹兩

棗子 捌枚

甘草 炙半兩

人參 壹錢

竹茹 半升

右水三大盞煮取一盞分一服

病人直嘔吐而脚弱或疼乃是脚氣當作脚氣治之
治見雜病脚氣門

人血氣虧損而四肢無力者久其病難愈
 本木正氣虛者宜一藥亦一劑
 甘草 參 薑 桂 枝 乾 薑 湯 主 之

吐利

吐利 寒熱 痛為症

腹滿時痛吐利不渴者太陰病論見腹滿活人云理中湯主之病人
 脈陰陽俱緊反汗出者亡陽也此屬少陰法當咽痛而
 復吐利桂枝乾薑湯少陰病吐利手足厥冷煩躁欲死者
 吳茱萸湯主之少陰病吐利手足不逆冷反發熱者
 不死脈不至者灸少陰七壯龐云在內踝後跟骨上動
也○余按少陰之絡非特一穴今日少陰而不指其穴
者針法當道四時隨運氣以取并榮俞經合不可執泥
也履氏定以為太少陰病吐利煩躁四逆者死少
谿恐非神景本旨陰病下利欬而嘔渴心煩不得眠者猪苓湯主之論見
 少陰病腹痛小便不利四肢重痛自下利或嘔者真

吐利有
寒熱頭
痛為陽

傷寒吐利
武去附子加生薑湯論見少陰病下利脈微漇嘔而
汗出者當溫其上灸之論見欲寐溫其上謂下有寒
既吐且利小便復利而大汗出下利清穀內寒外熱脈
微欲絕者四逆湯主之王叔和入霍亂篇
太陽與少陽合病頭痛脇痛往來寒熱自利而嘔者黃
芩加半夏生薑湯論見發熱汗出不解心中痞鞭嘔
吐下利者宜大柴胡湯論見發汗後水漿不得入口
者為逆若更發汗必吐下不止嘔吐而利者名曰霍
亂病發熱頭痛身疼惡寒吐利者此名霍亂自吐下
又利止復更發熱也霍亂頭疼發熱身疼痛熱多飲

水者五苓散主之 寒多不飲水者宜理中湯
理中湯方

人參

乾薑

炮

甘草

炙各兩

白朮

貳兩

右剉每服四錢水煎去滓溫服如寒甚者加乾薑一
兩半 渴欲得水者加白朮一兩半 臍上築者腎
氣動也去白朮加桂枝二兩 吐多者去白朮加生
薑四兩 下利多者倍用白朮 悸者加茯苓二兩
腹滿者去白朮加附子一枚服湯後如食頃飲熱
粥一升許自溫勿發揭衣被活人云或四肢拘急或
轉筋者亦去朮加附子
吐利汗出發熱惡寒四肢拘急手足厥冷者四逆湯主

吐利止後病

之

吐利止而身痛不休者當消息和解其外宜桂枝湯

惡寒脉微利止者四逆加人參湯方論見惡寒

吐已下斷汗出而厥四肢拘急不解脉微欲絕者通脉

四逆湯加猪膽汁主之

甘草炙貳兩

乾薑參兩

附子

大者壹枚去皮破八片

猪膽汁半合

右三味咬咀水三盞煎至二盞去滓納猪膽汁分作

二次溫服其脉即來

吐利發汗脉平不煩者以新虛不勝穀氣故也

乾嘔

而利兼脇痛而表解者宜十棗湯心下痞鞅而煩者宜

甘草瀉心湯兼厥逆脉微者通脉四逆湯白虎加猪膽

汁湯詳見前乾嘔門

診脉陰陽俱緊至於吐利其脉獨不解緊去人安為欲

解若脉遲至六七日不欲食此為晚發水停故也為未

解食自可者為欲解

霍亂證治已詳雜病茲不贅

傷寒吐利

少陰之四

五

[Faint bleed-through text from the reverse side of the page]

下利

成自利者不因攻下而自泄瀉也。有表邪傳裏裏虛協熱而利者，有不因攻下而下之遂利者，是皆協熱也。又三陽合病皆作自利，有發表攻裏和解之不同。太陽陽明合病為在表，故與葛根湯以汗之。太陽少陽合病為在半表半裏，故與黃芩湯以和解之。陽明少陽合病為少陽邪氣入裏，故與承氣湯下之。且自利不渴者屬太陰，藏寒故也。下利欲飲水者有熱，故也。故大便溏，小便自可，與夫發熱後重泄色黃赤者皆為熱也。自利小便色白，少陰病形悉具。與夫惡寒脈微自利清穀者皆有寒也。夫自利固多可溫然，腸胃有積結與下焦客邪，又非溫劑所能止，必也。

或分利之或攻泄之乃可也經曰理中者理中焦此利在下焦宜赤石脂禹餘糧
湯不差當利其小便是也少陰病自利清水色純青心下必痛口乾燥與夫下利三部皆平按之心下硬或肌
沉而滑或不欲食而譫語或差後至年月復發此數者皆腸胃有積結而須攻泄者也此則謂之通因通用
又下利雖有表證不可發汗以下利為邪氣內攻走津液而胃虛也經曰下利不可攻表汗出必脹滿是也蓋三陰自利居多然自利家身涼肌靜為順身熱肌大為逆太抵下利脫氣又為難治蓋邪盛正虛邪壅正氣下脫多下利而死經曰少陰病自利復煩燥不得臥寐者脈反實者死下利手足厥冷無脈者死下利日十餘行死發熱下利至甚厥不止者死此數者皆邪氣壅正氣下脫
故死要略曰六府氣絕于外手足寒五藏氣絕于內利

下不禁噫疾成而後藥雖神醫莫能為氣已脫矣孰能為之六經俱有下利之病表裏寒熱治各不同學者宜審

太陽傷寒表不解心下水氣乾嘔發熱而欬或渴或利或噎或小便不利少腹滿或喘者小青龍湯和

與陽明合病必自下利葛根湯成

者謂之併病三經俱受邪相合病者謂之合病併病者邪氣甚也太陽陽明合病者與太陽少陽合病陽明少陽合病皆言必自下利者以邪氣併於陰則陰實而陽虛邪氣併於陽則陽實而陰虛寒邪氣甚客於二陽二葛根湯以散經中甚邪○其肌必浮而長也
外證未除而數下之遂挾熱而利利不止心下痞鞭表

太陽病

傷寒下利

裏不解者桂枝人參湯

張或云仲景論中大陽病桂枝證醫反下之利遂不止與葛根

黃連黃芩湯上條又與桂枝人參湯且二證俱係不
解而下之成利者何故用藥有溫涼之異夫二證俱係
內虛熱入協熱遂利但脈證不同故用藥有殊耳經言
脈促者表未解也喘而汗出者葛根黃連黃芩湯主之
夫脈促為陽盛喘而汗出為裏熱其陽盛裏熱與葛根
黃連黃芩者理所宜也 太陽與少陽
合病自下利者與黃芩湯若嘔者黃芩加半夏生薑湯
下利而頭疼曾滿或口苦咽乾或
往來寒熱其脈或大或弦是也

黃芩湯方

黃芩參兩芍藥

甘草各貳兩大棗拾貳枚

右四味以水一斗煮取三升去滓溫服一升日再夜

一服

虛而不實者苦以堅之酸以收之黃芩芍藥之苦酸
以堅斂腸胃之氣弱而不足者甘以補之甘草大棗
腸胃之弱

黃芩加半夏生薑湯

黃芩湯內加半夏半升洗生薑參兩切

太陽少陽併病而反下之成結胸心下鞅下利不止水

漿不下其人心煩

生薑瀉心湯○張凡合病皆下利各從外證
以別焉夫太陽病頭項痛脊脊強陽明病目疼鼻乾不
得臥少陽病胸脇痛耳聾凡遇兩經病證齊見而下利
者曰合病也雖然但見一證便是不必悉具然仲景不
言脈證止言太陽與陽明合病者以前章所論包合已
上之證即此理也况各經
之證所見不一難為定論

遂不止脈促者表未解也喘而汗出者葛根黃芩黃連

湯

葛根黃芩黃連湯方

葛根 半斤 甘草 炙

黃芩 各二兩 黃連 各二兩

右四味以水八升先煮葛根減二升內諸藥煮取三升去滓分溫再服

內經曰甘發散為陽表未解者散以葛根甘草之甘苦以堅裏氣弱者堅以黃芩黃連之苦

太陽病下之脈促不結胸者為欲解脈沉滑者協熱利脈浮滑者必下血黃芩湯 太陽病二三日不能卧但

欲起心下必結脈微弱者此本有寒分也反下之若利止必作結胸未止者四日復下之此作協熱利也黃芩湯

傷寒中風反下之利遂不止穀不化腹中雷鳴心下

鞅滿乾嘔心煩不安醫見其痞復下之痞益甚此非結

熱以胃中空虛客氣上逆故使鞅也甘草瀉心湯 傷

寒汗解後胃中不和心下痞鞅乾噫食具脇下有水氣

腹中雷鳴下利者生薑瀉心湯 太陽中風下利嘔逆

表解者乃可攻之其人淅淅汗出發作有時頭痛心下

痞鞅引脇下痛乾嘔短氣汗出不惡寒者此表解裏未

和也十棗湯 傷寒發熱汗出不解心下痞鞅嘔吐而

下利者大柴胡湯 傷寒十三日不解過經譫語者以

有熱也當以湯下之若小便利者大便當鞅而反下利

脈調和者知醫以丸藥下之非其治也若自下利者脈當微厥今反和者此為內實也調胃承氣湯 太陽病二日反躁反熨其背而大汗出大熱入胃水竭躁煩必發譫語十餘日振慄自下利者為欲解也 傷寒醫下之續得下利清穀不止身痛者急當救裏四逆湯身痛清便自調者急當救表桂枝湯成傷寒下之續得下利清穀不止身痛急當救裏以裏氣不足必先救之急與四逆湯得清便自調知裏氣已和然後急與桂枝湯以救表身疼者表邪也內經曰病發而不足標而本之先治其標後治其本此以寒為本也

四逆湯方

甘草 炙貳兩 乾薑 壹兩半 附子 壹枚去皮

一用附子去皮臍先將鹽水薑汁各半盞用砂礮煮七沸後入甘草黃連各半兩再加童便半盞再煮七沸任火良久撈起入磁甕盛貯受地氣一晝夜取出晒乾以備後用庶無毒害頂圓脩正一兩一枚者佳右三味咬咀以水三升煮取一升二合去滓分溫再服強人可大附子一枚乾薑三兩

成四肢者諸陽之本陽氣不足陰寒加之陽氣不相順接是致手足不溫而成四逆此湯中發陽氣走散陰寒溫經暖肌故以四逆名也內經曰寒淫於內治以甘熱却陰扶陽必以甘為主是以甘草為君內經曰寒淫所勝平以辛熱逐寒正氣必先辛熱是以乾薑為臣內經曰辛以潤之開發腠理致津液通氣也

煖肌温經必憑大熱是以附子為使此奇制之大劑也四逆屬少陰少陰者腎也腎肝位遠非大劑不能達內經曰遠而奇偶制大其服此之謂也

傷寒服湯藥下利不止心下痞鞭服瀉心已復以他藥下之利不止治以理中利益甚理中者理中焦此利在下焦赤石脂禹餘糧湯復利不止當利小便或用猪苓湯

赤石脂 壹斤碎 禹餘糧 壹斤碎

已上二味以水六升煮取二升去滓分三服

傷寒十三日不解胸脇滿而嘔日晡潮熱已而微利此

本柴胡證下之不利今反利者誤以丸藥下之也潮熱者實也先宜柴胡以解外後以柴胡加芒硝 太陽病過經十餘日心下温温欲吐胸中痛大便反澹腹微滿鬱鬱微煩先時自極吐下者調胃承氣湯

陽明病潮熱大便澹小便自可胸脇滿者小柴胡湯

病人無表裏證發熱七八日雖脈浮數者可下下之脈數不解而下利不止必便膿血也黃芩湯 柴皮湯 陽明少陽

合病必下利其脈不負者順也負者失也互相尅賊各

為負也脈滑而數者有宿食也當下之宜大承氣湯明土少陽木一經合病氣不相和則必下利少陽脈不勝陽明不負是不相尅為順也若少陽脈勝陽明脈負

傷寒下利 中之一
者是鬼賊相尅為正氣失也脈經曰脈滑者為病食也
又曰滑數則胃氣實下利者脈當微厥今脈滑數知胃
有宿食與大承氣湯以下除之
臟結如結胸狀飲食如故時時下利
寸脈浮關脈小細沉緊舌上白胎滑者難治

太陰太陰為病腹滿而吐食不下自利益甚時腹自痛
若下之必胸下結鞭 自利不渴者屬太陰以其臟有

寒故也當溫之宜服四逆輩張經言輩字者謂藥性同類惟輕重優劣不同耳凡

太陰自利不渴師言有用理中而愈者甚則理中加附子而獲安者凡言輩者蓋如此夫四逆湯甘草相合乃大熱之劑苟輕用之恐有過度之失所以仲景不為定擬也莫若以理中循循而用之至為平穩如不得已者四逆方可
太陰為病脈弱其人續自便利設當行芍藥大黃者宜減之以其人胃氣弱易動故也成腹滿痛者太陰病為用也

也脈弱其人續自便利則邪雖在裏未成大實欲用大黃芍藥攻除滿痛者宜少與之以胃氣尚弱易為動利也
傷寒脈浮而緩手足自溫者繫在太陰當發身黃

若小便自利者不發黃至七八日雖暴煩下利日十餘行必自止以脾家實腐穢當去故也平胃散加穿山甲

少陰病欲吐不吐但欲寐五六日自利而渴者屬少陰也虛故引水自救若小便色白者少陰病形悉具小便

白者以下焦虛有寒不能制水故令色白也欲吐不吐心煩者表邪傳裏也若腹滿痛則屬太陰此但欲寐則知屬少陰

五六日邪傳少陰之時也自利不渴者寒在中焦屬太陰此自利而渴寒在下焦屬少陰○按寒在中焦屬太陰不通未聞寒在下焦而渴者小便色白下焦虛寒可知惟其虛故藉外水以自救非熱而作渴也故活人云四逆湯主之若小便不自而黃赤則不在此例故厥陰篇

又曰下利欲飲水者以有
熱故也白頭翁湯主之

少陰病下利咽痛胸滿心

煩者猪膚湯

猪膚湯方

猪膚壹斤

右一味以水一斗者取五升去滓加白蜜一升白粉

五合熬香和相得温分六服

猪水畜也其氣先入腎少陰客熱是以猪膚解之加白蜜以潤燥除煩白粉以益氣斷利

少陰病四逆或泄利下重者四逆散方見前條少陰病下

利六七日欬而嘔渴心煩不得眠者猪苓湯方見少

陰病自利清水色純青心下必痛口乾燥者急下之宜

大承氣湯

孫賈大郎患傷寒經十餘日口燥舌乾而渴心中疼
自利清水眾醫皆相守但調理耳汗下皆所不敢賈
氏親故相謂曰傷寒邪氣害人性命甚速安可以不
決之疾投不明之醫乎召孫至曰即日不可下明日
正當下投小承氣湯遂大便通得睡明白平復眾皆
曰此證緣何下之而愈孫曰不深於書徒知有書耳
不知書之奧也口燥舌乾而渴豈非少陰證乎少陰
證固不可下豈不知少陰一證自利清水心下痛者
下之而愈仲景之書明有是說也眾皆欽服

少陰病下利惡寒而蹇手足溫者可治四逆湯 少陰
二三日至四五日腹痛小便不利下利不止便膿血者

桃花湯方

赤石脂 壹斤 一半全
粳米 壹升

乾薑 壹兩

右三味以水七升煮米令熟去滓溫服七合內赤石
脂末方寸匕日三服若一服愈餘勿服
瀆可去脫赤石脂之瀆以固腸胃辛以散之
乾薑之辛以散裏寒粳米之甘以補正氣
少陰病二三日至四五日腹痛小便不利四肢沉重疼

痛自下利者此為有水氣其人或欬或小便利或下利
或嘔者真武湯主之詳腹
真武湯方

茯苓 叁兩
白朮 貳兩

生薑 ㊦

芍藥 各叁兩

右五味以水八升煮取三升去滓溫服七合日三服
脾惡濕甘先入脾茯苓白朮之甘以益脾逐水寒淫
所勝平以辛熱濕淫所勝佐以酸平附子芍藥生薑
之酸辛以溫經散濕

加減法 若咳者加五味子半升細辛乾薑各一兩
氣逆咳者五味子之酸以收逆氣水寒
相搏則咳細辛乾薑之辛以散水寒 若小便利

者去茯苓小便利無伏若下利去芍藥加乾薑二兩芍藥之酸泄氣若嘔者去附子加生薑足前成半斤氣逆則嘔附子補氣生薑散氣千金
成真武北方水神也水氣在心下外帶表而屬陽必應發散故治以真武湯青龍湯主太陽病真武湯主少陰病少陰腎水也此湯可以知之脾惡濕腹有水氣則脾不治脾欲緩急食甘以緩之滲水緩脾以甘為主故以茯苓甘平為君白朮甘溫為臣內經曰濕淫所勝佐以酸辛除濕正氣是用芍藥酸寒生薑辛溫為佐也內經曰寒淫所勝平以辛熱溫經散濕是

以附子辛熱為使也水氣內漬散行不一故有加減之方焉欬者水寒射肺也肺氣逆者以酸收之五味子酸而收也肺惡寒以辛潤之細辛乾薑辛而潤也若小便利者去茯苓茯苓專滲泄也小便不利者去芍藥以酸澀也加乾薑以散寒也氣上逆則嘔附子補氣故去之生薑散氣故加之則氣順嘔止矣
少陰病下利清穀裏寒外熱手足厥逆脈微欲絕身反不惡寒其人面赤色或腹痛或乾嘔或咽痛或利止脈不出者通脈四逆湯主之
通脈四逆湯方 此方與四逆湯同但此倍乾薑耳

甘草 貳兩
附子 大者壹枚生用
去皮破捌片

乾薑 參兩強人
可肆兩

右三味以水三升煮取一升二合去滓分温再服其脉即出者愈

面色赤者加葱九莖葱味辛以通陽氣腹中痛者去葱加芍

藥二兩芍藥之酸通寒利腹嘔者加生薑二兩辛以

嘔為氣咽痛者去芍藥加桔梗一兩梗咽中如結加桔

不散也利止脉不出者去桔梗加人參二兩利止脉不出者

以補之經曰脉微而利亡血也四逆加入以補之經曰脉微而利亡血也四逆加入

少陰病下利白通湯主之少陰主水少陰客寒不能制

表 少陰病下利脉微者與白通湯利不止厥逆無脉

乾嘔煩者白通加猪膽汁湯主之服湯後脉暴出者死

微續者生少陰病下利脉微為寒極陰勝與白通湯復

氣太甚內為格拒陽氣逆亂也與白通湯加猪膽汁湯

以和之內經曰逆而從之從而逆之又曰逆者正治從

泄而脫也故死脉微續者陽氣漸復也故生

白通湯方 葱白 肆莖 乾薑 壹兩 附子 壹枚生用去

皮破八片一 右三味以水三升煮取一升去滓分温再服

之辛以通陽氣薑附之辛以散陰寒

白通加猪膽汁湯方

葱白 肆莖 乾薑 壹兩 附子 壹枚生去皮破攤片
 人尿 伍合 猪膽汁 壹合

已上三味以水三升煮取一升去滓內膽汁人尿和令相得分温再服如無猪膽亦可用

內經曰若調寒熱之逆冷熱必行則熱物冷服下利之後冷體既消熱性便發由是病氣隨愈嘔噦皆除情且不違而致大益此和入尿猪膽汁鹹苦寒物於白通湯熱劑中要其氣相從則可以去格拒之寒也
 張或謂白通湯及白通加猪膽湯真武湯與通脉四逆湯皆為少陰下利而設除用薑附相同其餘之藥俱各殊異何也蓋病殊則藥異夫少陰下利寒氣已甚非薑附則不能治然下利之理無殊而兼有之證

不一用藥故不同耳亦各從其宜也如白通湯用薑附以散寒止利加葱白以通調陽氣若利而乾嘔煩者寒氣太甚內為格拒薑附非煩者之所宜薑附必嘔而不納加入尿猪膽汁於白通湯中候温冷而服之人尿猪膽汁皆鹹苦性寒之物是以納而不阻至其所則冷體既消熱性便發真武湯治少陰病二三日不已至四五日腹滿小便不利四肢沉重疼痛自下利者為有水氣故多或為之證夫水氣者則寒濕也腎主之腎病不能制水水飲停蓄為水氣腹痛寒濕內甚也四肢沉重疼痛寒濕外甚也小便不利自

易集下刊

下利者濕甚而水穀不能別也經曰脾惡濕甘先入脾茯苓白朮之甘以益脾逐水寒濕所勝平以辛熱濕淫所勝佐以酸辛附子芍藥生薑之酸辛以溫經散濕太陽篇中小青龍湯證亦為有水氣故多或為之證如真武湯者不殊此理也通脈四逆治少陰下利清穀裏寒外熱手足厥逆脈微欲絕者為裏寒身熱惡寒而面色赤為外熱此陰甚于內格陽于外不相通與通脈四逆湯以散陰通陽其或為之證依法加減而治之已上四證俱云下利而兼有或為之證不一是以用藥大同而小異也 又曰或云白通湯

用附子凡四證惟真武湯一證熟用餘皆生用何也凡附子生用則溫經散寒非乾薑佐之則不可炮熟則益陽除濕用生薑相輔以為宜矣乾薑辛熱故佐生附為用生薑辛溫少資熟附之功原佐使之玄無出此理然白通等湯以下利為重其真武湯證以寒濕為先故用藥有輕重之殊耳蓋寒濕風濕太體頗同如太陽下篇桂枝附子湯治寒濕相搏附子亦用炮熟仍用生薑以佐之其生熟之用輕重之分無過此理也

少陰病欬而下利譏語者被火氣劫故也小便必難以

強責少陰汗也成效而下利者裏寒而亡津液也反以
煩之故譏語少陰病下利便膿血者可刺少陰病
小便難也下利脉微澀嘔而汗出必數更衣反少者當其上灸之
少陰病脉緊至七八日自下利脉暴微手足反温脉
緊反去者為欲解也雖煩下利必自愈少陰病脉微
沉細欲卧汗出而煩欲吐自下利復煩燥不得寐者死
少陰病下利止而頭眩時時自冒者死陽明脉汗載
然出脉勻小浮者生少陰病惡寒身踈而利手足逆
少陰無眩冒之證冷者不治

厥陰傷寒始發熱六日厥反九日而利凡厥利者當不

能食今反能食者恐為除中食以索餅不發熱者知胃
氣尚在必愈恐暴熱來出而復去也後三日脉之其熱
續在者期之日日夜半愈所以然者本發熱六日厥反
九日復發熱三日并前六日亦為九日與厥相應故期
之日日夜半愈後三日脉之而脉數其熱不罷者此為
熱氣有餘必發癰膿也傷寒先厥後發熱下利必
自止而反汗出咽中痛者其喉為痺發熱無汗而利必
自止若不止必便膿血便膿血者其喉不痺下利寸
脉反浮數尺中自濇者必清膿血黃連阿膠湯黃芩湯
而遲反浮數者裏有熱也濇為無血尺中濇者腸胃血
散也熱隨利下必便膿血清與圓通脉經曰清者圓也

熱利下重者白頭翁湯主之利則津液少熱則傷氣氣虛下利致後重也與白頭翁湯散熱厚腸下利欲飲水者以有熱故也白頭翁湯主之白利不渴為藏寒與四逆以溫藏下利飲水為有熱之與白頭翁湯以涼中○按少陰自利而渴乃下焦虛寒而用四逆者恐不可以渴不渴分熱寒也正當以小便黃白別之也

白頭翁湯方

白頭翁 兩 黃蘗

秦皮

黃連

各叁兩

右四味以水七升者取二升去滓溫服一升不愈更服一升

內經曰腎欲堅急食苦以堅之利則下焦虛是以純苦之劑堅之

下利脉數有微熱汗出今自愈設復緊為未解乾薑黃連人參

湯

下利脉數而渴者今自愈設不差必清膿血以看熱故也黃連下利脉沉弦者下重也脉大者為未止

脉微弱數者為欲自止雖發熱不死因沉為在裏弦為拘急裏氣不足是主下重則病進為利未止脉微弱數者邪氣微而陽氣復為欲自止雖發熱止由陽勝非太逆也 脉沉弦

四逆之類脉大者 傷寒六七日大下後寸脉沉而遲根黃芩黃連湯

手足厥逆下部脉不至咽喉不利唾膿血泄利不止者為難治麻黃升麻湯主之成傷寒六七日邪傳厥陰之時大下之後下焦氣虛陽氣

內陷寸脉遲而手足厥逆下部脉不至厥陰之脉貫膈上注肺循喉龍在厥陰隨經射肺因亡津液遂成肺痿咽喉不利而唾膿血也金匱要畧曰肺痿之病從何得之被快藥下利重亡津液故得之若泄利不止者為裏氣太虛故云難治與麻黃升麻湯以調肝肺之氣

麻黃升麻湯方

麻黃去節 貳兩半

升麻

當歸各壹兩 貳錢半

知母

黃芩

姜藜各拾捌 銖

石膏碎絲裹

白朮

乾薑

芍藥

天門冬去心

桂枝

茯苓

甘草炙各六銖

右十四味以水一斗先煮麻黃二兩沸去上沫內諸藥煮取三升去滓分溫三服相去如炊三斗米頃令盡汗出愈

成玉函曰太熱之氣寒以取之甚熱之氣以汗發之麻黃升麻之甘以發浮熱正氣虛者以辛潤之當歸

桂薑之辛以散寒上熱者以苦泄之知母黃芩之苦涼心去熱津液少者以白潤之茯苓白朮之甘緩脾生津肺燥氣熱以酸收之甘草之甘潤肺除熱以斂逆氣藜藜門冬石膏甘草之甘潤肺除熱

厥陰病消渴氣上撞心中疼熱飢而不欲食食則吐

衄下之利不止詳厥陰傷寒四五日腹中痛若轉氣下

趣少腹者此欲自利也詳腹一痛肌浮而遲表熱裏寒下

利清穀四逆湯 大汗出熱不丟內拘急四肢疼又下

利厥逆而惡寒者四逆湯 大汗若大下利而厥冷者

四逆湯 下利清穀不可攻表汗出必脹滿四逆湯

下利清穀裏寒外熱汗出而厥者通脈四逆湯 傷寒

先厥後發熱而利者必自止見厥復利四逆湯 下利

傷寒下利

脈沉而遲其人面少赤身有微熱下利清穀者必鬱冒汗出而解病人必微厥下虛故也四逆湯 下利後脈絕手足厥冷時時也周時脈還手足溫者生脈不還者死或用白通湯 下利後更煩按之心下濡者虛煩也梔子豉湯 下利譫語有燥屎也宜小承氣湯 下利手足厥冷無脈者灸之不溫若脈不還反微喘者死 少陰負跌陽者為順也少陰腎水跌陽脾土下利為腎邪 下利有微熱而渴脈弱者今自愈 傷寒發熱下利厥逆躁不得卧者死 傷寒發熱下利至甚厥不止者死金匱要畧曰六腑氣絕於外者手足寒五藏氣絕於內者利下不禁 傷寒六七日

不利便發熱而利其人汗出不止者死有陰無陽故也傷寒至七日為邪正相爭之時正勝則生邪勝則死始不下利而暴發熱下利汗出不止者邪氣勝正陽氣脫也 傷寒下利日十餘行脈反實者死下利者裏虛故死 傷寒下利日十餘行脈反實者死脈不應病病不應脈是為死病 發熱而厥七日下利者為難治發熱而厥邪傳裏也至七日傳經盡則正氣勝邪當汗出而解反下利則邪氣勝裏氣虛為難治 戴自利須辨陰陽三陽自利各已本經見之太陽與陽明合病下利頭痛腰疼肌熱目疼鼻乾宜葛根湯 太陽與少陽合病下利身熱胸脇痞滿而嘔或往來寒熱目疼鼻乾宜大柴胡湯 大抵陽熱之利與陰

傷寒下利 卷之四
寒之利自不同陽利糞色必焦黃熱臭出作聲臍下必熱得涼藥則止得熱藥愈增陰利必洞下清穀糞色或白或淡黃臍下多寒宜溫中止瀉之劑此陰利陽利指陰陽二氣而言非曰陰陽二經也緣陰中亦自有陽利不可因下利便以為陰也 又有內不大滿猶生寒熱未可下而便下之內虛熱入挾熱自利臍下必熱大便赤黃色及下腸間津汁垢膩名曰利腸宜白頭翁湯黃芩湯 要知均為自利身不熱手足自溫者太陰身體四逆者少陰厥陰其餘身熱下利皆屬陽經然陰利有反發熱或初病無熱利後却

熱或初得病即身熱繼而自利此陰非陽傳陰經之利詳見前段發熱證 又有大便五六日以藥利之利遂不止用極熱劑方瘥陽有利陽有祕當更以他證別之 外熱內煩下利上渴或痞或痛或嘔常法多用黃芩湯半夏瀉心湯亦可不若生薑瀉心湯之當或溫膽湯加入黃連其中枳殼去取在入
吳凡自利者不因攻下而自瀉利俗言漏底傷寒是也有協熱有協寒俱宜詳辨原病式曰瀉白為寒青黃紅黑皆為熱也太抵瀉利完穀不化色不變有如鷺瀉或吐利腥臭小便澄澈清冷口無燥渴其脉或

沉細或遲微無力或身雖熱手足逆冷惡寒踈卧此皆為寒也凡熱證則口中燥渴小便或黃赤或澀而不利或所下如垢膩之狀其脈多數或浮或滑或弦或大或洪或有邪熱不殺穀其物不消化者當以脈證別之凡胃虛內熱煩渴瀉利脈弱者七味人參白朮散若發熱者參胡三白湯去黃芩加炒黃連苦腹滿小便不利者五苓散合理中湯若嘔者加藿香半夏生薑陳皮如濕多而瀉不止者加蒼朮白朮如腹脹者加厚朴腹疼不止加炒白芍因桂木香溫之凡傷寒作利脈浮表未解者仲景以小青龍湯去麻黃

加芫花二錢炒令赤色蓋散表邪兼治水也若小便不利大便水瀉不止者宜五苓散水甚不解亦加芫花一錢以行水水行利自止也凡下利不可發汗當先治利止內實正氣得復邪氣得解則汗出而愈也蓋利下由內虛若加發汗則內外皆虛變證為難治也

○附

活寒毒入胃者臍下必寒腹脹滿大便黃白或青黑或下利清穀宜四逆湯理中湯白通加附子湯四逆加薤白散挾熱利者臍下必熱大便赤黃色及腸間津液垢

傷寒下利 跌之四

臍宜黃芩湯白頭翁湯三黃熟艾湯薤白湯赤石脂丸
三黃熟艾湯治傷寒四日而大下熱利時作白通湯諸
藥多不得止宜服此湯除熱止利

黃芩 黃連 黃檗 熟艾半鷄子大

右咬咀水煎溫服

薤白湯治傷寒下利如爛肉汁赤帶下伏氣腹痛諸熱
悉皆主之

豆豉半合 縣裹 薤白壹握 山梔柒枚

右咬咀用水二升半先煮梔子十沸下薤白煎至二
升下豉煎取一升二合溫服

赤石脂丸治傷寒熱利

赤石脂 乾薑炮各壹兩 黃連 當歸各貳兩

為末煉蜜丸如桐子大每服二十九米飲下日三服
濕毒氣盛者下利腹痛大便如膿血或如爛肉汁宜桃
花湯地榆散黃連阿膠湯

地榆散治傷寒熱毒不解日晚即壯熱腹痛便利膿血

地榆 犀角屑 黃連炒 葛根各壹兩

右咬咀每服五錢水一盞入薤白五寸同煎溫服

海黃連阿膠湯治傷寒熱毒入胃下利膿血

傷寒下利 跌之四

六十九

黃連炒貳兩 山梔半兩 阿膠炒 黃檗各壹兩

右咬咀每服四錢水煎服

雲傷寒汗下後大小便利者腹中痛者宜燥腸丸

附子炮壹枚 龍骨半兩 乾薑壹兩 吳茱萸

粟殼壹兩 訶黎皮各半兩

為細末酒糊丸桐子大每服三十九溫水下利止勿服

傷寒汗下後裏急後重下利者宜七宣丸

大黃壹兩 木香 檳榔 柴胡

訶子皮各半兩 甘艸各半兩 桃仁叁拾枚

右為細末煉蜜丸如桐子大每服五十九溫水下

傷寒汗下後氣逆利不止者寒也宜枳實芍藥甘草湯

芍藥 甘草 枳實炒 乾薑炮各半兩

右咬咀每服五錢水煎服

厥陰病 氣上衝心 饑不欲食 吐衄蟲 厥

少腹滿 囊縮

厥陰之為病煩滿囊縮其脈尺寸俱微緩若微浮為欲解不浮為未愈宜小建中湯脈浮緩者必囊不縮外證必發熱惡寒似瘡為欲愈宜桂枝麻黃各半湯若尺寸脈俱沉短者必是囊縮毒氣入藏宜承氣湯下之 大抵傷寒病藏府傳變陽經先受病故次第傳入陰經以陽主生故太陽水傳足陽明土土傳足少陽木為微邪也陰主殺故木傳足太陰土土傳足少陰水水傳足厥陰木至六七日當傳厥陰肝木必移氣尅於脾土脾再

古方... 甘草... 附子... 芍藥... 桂枝... 麻黃... 各半湯... 建中湯... 承氣湯... 吐衄蟲... 囊縮... 少腹滿... 氣上衝心... 饑不欲食... 厥陰病...

傷寒別論
受賊邪則五藏六府皆困而危殆榮衛不通耳聾囊縮
不知入而死矣速用承氣湯下之可保五死一生古人
云脾熱病則五藏危又云土敗木賊則死若第六七日
傳厥陰脈得微緩微浮為脾胃脈也故知脾氣全不再
受尅邪無所容否極泰來榮衛將復水升火降則寒熱
作而大汗解矣

厥陰經治法有汗下吐溫和解灸

汗 麻黃升麻湯 桂枝湯 桂枝茯苓白朮湯

下 小承氣湯 三黃瀉心湯

吐 瓜蒂散 梔子豉湯

溫

烏梅丸

真武湯

當歸四逆湯

當歸四逆加吳茱萸生薑湯

吳茱萸湯

附子乾薑湯

理中湯

通脈四逆湯

和解

甘桔湯

白虎湯

乾薑黃連黃芩人參湯

白頭翁湯

小柴胡湯

灸

厥陰

脈促灸

下利厥灸

內經曰尺寸俱微緩者厥陰受病也其脈循陰器絡于

肝故煩滿而囊縮查厥陰篇闕囊縮證楊仁壽曰婦人

若外證發熱惡寒似瘧為欲愈候宜桂枝麻黃各
半湯也若尺寸俱沉短者囊必縮宜承氣湯下之厥

陰之為病消渴氣上撞心中疼熱飢而不欲食食即吐虺下之利不止成邪傳厥陰則熱已深也邪自太陽邪至少陰者口燥舌乾而渴未成消也至厥陰成消渴也者熱甚能消水故也飲水多而小便少者謂之消渴木能生火火生於木肝氣通心厥陰客熱氣上衝心中疼執傷寒六七日厥陰受病之時為傳經盡則當入府胃虛客熱飢不欲食虺在胃中無食則動聞食臭而出得食吐虺此熱在厥陰經也若便下之虛其胃氣厥陰木邪相乘必下利不止○

桂枝去桂加茯苓白朮湯方
芍藥 茯苓 白朮各貳錢 甘草 壹錢
水一盞半生薑三片棗二枚煎至八分去滓服
厥陰病渴欲飲水者少與之愈 厥陰中風脈微浮

為欲愈不浮為未愈 厥陰病欲解時從丑至卯上厥陰

木也丑於丑寅卯同王為解時

戴下利清穀者陰中之陰宜進通脈四逆湯或當歸四逆湯加生薑菜萸舌卷囊縮不特陰中之陰有之陽明之熱陷入厥陰亦有之蓋陽明主宗筋宗筋為熱毒風所攻故弗榮而急引舌與羣丸故舌卷囊縮當瀉陽以救陰宜大承氣湯陽傳太陰而利故用小建中湯及小柴胡湯去黃芩加芍藥此一藥治太陰泄利腸鳴而痛已利而痛為虛虛則腸鳴蓋為傳陰之陽氣漸微不敢過用冷劑但以芍藥通壅爾

傷寒論陰病
一
一
一

氣上衝心

成氣上衝者腹裏氣時時上衝也此汗吐下後之疾雖
經下之邪猶在表故也痞病氣上衝咽喉亦由誤汗吐
下而生又有病如桂枝證胸中痞氣上衝咽喉不得息
瓜蒂散蓋未經汗吐下作膈實故宜吐也厥陰氣上撞
心易病氣上衝尤宜消息按條而施治焉
氣撞心疼吐衄者厥陰本病也如氣上衝不吐衄者為
陽證若衝咽不得息者瓜蒂散吐之往來寒熱者奔豚
陰拘攣者陰陽易卒口噤者剛瘕與汗吐下之後各有
證治方法學者詳之厥陰本病方論已見前條

傷寒論陰病
一
一
一

生五

脉微浮
咳不得
息為陽

病如桂枝證頭不痛項不強寸脉微浮胸中痞鞅氣上衝咽喉不得息者此為曾有寒也當吐之宜

瓜蒂散

瓜蒂 炒黃

赤小豆 各壹分

右研為細末取一錢用豉一合湯七合先漬之須臾煎成稀糜去渣取汁相和温頓服不吐少少加得快吐乃止諸亡血虛家不可與服

活瓜蒂散每服一錢匕藥下便卧欲吐且忍之良久不吐取三錢匕湯二合和服以手指探之便吐不吐復稍增之以吐為度若吐少病不除明日如前法再吐之不

可令人虛也如藥力過時不吐飲熱湯一升以助藥力吐訖便可食無更服若服藥過多者飲水解之

奔豚氣上衝胸腹痛往來寒熱奔豚湯主之方論見雜病積聚門

陰陽易少腹裏急引陰中拘攣熱上衝胃頭重不欲舉眼中生花者宜燒視散論見陰陽易

氣上衝胸口噤不得語欲作剛瘕者宜葛根湯論見雜病瘕門

燒鍼令其汗鍼處被寒核起而赤者必發奔豚氣從少

腹上衝心者灸其核各一壯與

桂枝加桂湯

桂枝 貳兩半

芍藥

生薑 各壹兩半

桂枝 貳兩半

芍藥

甘草 壹兩

大棗 陸枚

右咬咀每服五錢水煎溫服

桂枝加桂以能
洩奔豚氣也

動氣發汗則氣止衝正在心端

論見
動氣

太陽下後其氣

上衝者可與桂枝湯方用前法若不上衝者不可與之

傷寒吐下後心下逆滿氣上衝胸頭眩脈沉緊若發汗

則動經身為振搖者茯苓白朮甘草湯 方見振搖 傷

寒吐下後發汗虛煩脈甚微八九日心下痞鞭脇下痛

氣上衝咽啞眩冒經脈動惕者久而成痿

○附

活李根湯治氣上衝正在心端

半夏

當歸

芍藥

生薑

茯苓

桂枝

黃芩

甘草

甘李根白皮 各等分

右咬咀每服五錢水煎溫服

出其人當自吐蛇虺厥者烏梅圓主之蛇厥者其人手足冷而吐蛇也

藏厥者死陽氣絕也蛇厥雖厥而煩吐蛇已則靜不若藏厥之躁無暫安時也病人藏寒胃虛蛇動上唇聞食臭出因而吐蛇舌燥口乾常欲飲浸口不欲飲蛇上煩躁昏亂欲死兩手脈沉遲足冷至膝甚者連蛇并屎俱出大便秘而不行此證雖出多可救治也宜加味理中安蛇散烏梅圓治之

發汗胃中冷必吐蛇活人云先服理中丸次服烏梅圓

烏梅圓方

烏梅參百箇 細辛 附子炮 桂枝去蘆皮

人參 黃檗各陸兩 當歸 蜀椒去汗各四兩

乾薑拾兩 黃連壹斤

右十味異搗篩合治之以苦酒漬烏梅一宿去核蒸

之五升米下飯熟搗成泥和藥令相得內臼中與蜜杵二千下圓如梧桐子大先食飲服十圓日三服稍加至二十圓禁生冷滑物臭食等

肺主氣肺欲收急食酸以收之烏梅之酸以收肺氣脾欲緩急食甘以緩之參之甘以緩脾氣寒淫於內以辛潤之以苦堅之當歸桂椒細辛之辛以潤內寒寒淫所勝平以辛熱薑附之辛熱以勝寒蛇得甘則動得苦則安黃連黃檗之苦以安蛇

理中安蛇散 陶尚文祕方累用之效

人參參錢 白朮 白茯苓

乾薑各壹錢半 川椒拾肆粒 烏梅叁枚

右作一服水二鍾煎七分服凡治蛇不可用甘草并

傷寒吐蛇 蛇之四
甜物蓋蛇虫得甘則動於上得苦則安得酸則止得
川椒之辛則頭伏于下也
凡吐蛇未止加黃連黃蘗各五分川椒十四粒若足
冷甚者必加附子半錢或三錢量病輕重斟酌之
戴胃中冷必吐蛇吐蛇人皆知為陰也然亦有陽證
吐蛇者蓋胃中空虛既無穀氣故蛇上而求食至咽
而吐又看別證如何不可專以胃冷為說曾記一人
陽黃吐蛇又大發斑陽毒證口瘡咽痛吐蛇皆以冷
劑取效是亦有陽證矣

厥

四逆

尸厥附

四逆者四肢不溫厥者手足冷夫邪在三陽則手足熱
傳到大陰則手足溫至少陰則逆而不溫至厥陰則為
之厥甚于逆也蓋自熱至溫而四逆至厥者傳經之邪
也四逆散主之始得之便厥是陰經受邪陽氣不足四
逆湯主之

王仲景言四逆與厥者非一或曰四逆或曰厥
逆厥冷厥寒或曰手足逆冷手足厥逆手足厥冷手足
厥逆冷俱是言寒冷耳故厥逆二字每每互言未嘗分
逆為不溫厥為冷也既不曰溫則為冷矣尚何異乎然

四肢與手足却有所分以四字加逆字之上者是通指手足臂脛以上言也以手足字加厥逆厥冷等上及無手足字者是獨指手足言也雖然厥逆俱為寒冷却有陰陽之殊熱極而成厥逆者陽極似陰也仲景以四逆散寒藥治之是也寒極而成厥逆者獨陰無陽也仲景雖無四逆湯熱藥治四逆之條但四逆湯之名由四肢之冷而立今以四逆湯治手足厥冷豈非逆厥之不異乎成氏既謂四逆為熱邪至少陰病死證二條下又謂四逆為寒甚不自恃其說乎是知四逆亦猶厥之有寒有熱但四肢通冷比之手足獨冷則有間耳故仲景曰

少陰病吐利煩躁四逆者死又曰少陰病四逆惡寒而踈脈不至不煩而躁者死又曰少陰病吐利手足厥冷煩躁欲死者吳茱萸湯此三條二為死一為可治雖通由諸證兼見而然然死者以四逆言可治者以厥冷言可見四逆重於厥冷矣成氏謂厥甚于逆豈不謬耶

按凡言四逆或言厥言逆者皆為重證若舉四肢而言耳言指頭寒言手足厥與逆與冷者皆為厥微蓋手之上為腕腕上為臂足之上為踝踝之上為脛也其病之輕重淺深皆寓于書法之中不可不審自熱至溫自溫至厥乃傳經之邪四逆散主之厥逆太

便秘小便赤或大便黑脉沉而滑此為陽證似陰白
虎湯甚者大承氣湯不可誤也

太陽傷寒脉浮自汗柴便數心煩微惡寒脚攣急反與桂
枝湯欲攻其表此誤也得之便厥咽中乾煩躁吐逆者
作甘草乾薑湯與之 太陽中風脉浮緊發熱惡寒身
疼痛不汗出而煩躁者大青龍湯主之若脉微弱汗出
惡風者不可服服之則厥逆筋惕肉瞤此為逆也真武湯

甘草乾薑湯方

甘草 炙肆兩

乾薑 貳兩炮

右咬咀以水三升煮取一升五合去滓分温再服

内經曰辛甘發散為陽甘
草乾薑相合以復陽氣

陽明病反無汗而小便利二三日嘔而欬手足厥者必
苦頭痛若不欬不嘔手足不厥者頭不痛 傷寒脉滑
而厥者裏有熱也白虎湯主之 三陽合病腹滿身重
難以轉側口不仁而面垢譫語遺尿發汗則譫語下之
則額上生汗手足逆冷若自汗出者白虎湯主之
少陰病吐利手足厥冷煩躁欲死者吳茱萸湯方見
少陰病下利脉微者與白通湯利不止厥逆無脉乾嘔
煩者白通加猪膽汁湯脉暴出者死微續者生 少陰

病下利清穀裏寒外熱手足厥逆脈微欲絕身反不惡寒其人面色赤或腹痛或乾嘔或咽痛或利止脈不出者通脈四逆湯俱見少陰病四逆其人或欬或悸或小使不利或腹中痛或泄利下重者四逆散方見少陰病按言四者四肢之省文也四肢者自指至肘足至膝是也其邪為深凡言手足者自指至腕足至踝而已其邪為淺仲景下文但云少陰病四逆活人第八十問中改作四肢厥逆設遇寒厥下利腹痛而咳者依其言而用四逆散之涼劑可乎夫邪自陽經入裏而厥者是熱極而厥也是或可用若直入陰經之寒邪而欲厥者是為以水濟水尤當戒之學者宜詳究焉

少陰病惡寒身踈而利手足逆冷者不治 少陰病吐利煩躁四逆者死 少陰病四逆惡寒而身踈脈不至

不煩而躁者死 少陰病但厥無汗而強發之必動其血未知從何道出或從口鼻或從目出是名下厥上竭為難治但厥無汗熱入裏而外寒甚也當溫之而強發妄行也諸厥者皆屬下但厥為下厥血亡於上為上竭

厥陰傷寒先厥後發熱而利者必自止見厥復利四逆散

張或云三陰經傷寒太陰為始則手足溫少陰則手足清厥陰則手足厥逆然病至厥陰乃陰之極也則故反有發熱之理也易云窮則變窮者至極之謂也陽至極而生陰故陽病有厥冷之證陰至極而生陽則厥逆者有發熱之餘凡言厥深熱亦深者乃事之極而變之常經曰亢則害承乃制是也 傷寒厥而心下悸者宜先治水當服茯苓甘草湯却治其厥不爾水漬入胃必作利也成金匱要畧曰

傷寒論 卷之四 八十三
水停心下甚者則悸厥雖寒勝然以心下悸為水飲內
甚先與茯苓甘草湯治其水而後治其厥若先治厥則
水飲浸漬入胃必作下利

茯苓甘草湯方

茯苓

桂枝 去蘆皮 各貳兩

生薑 切 參兩

甘草 炙壹兩

右四味以水四升煮取二升去滓分溫三服

茯苓甘草之甘益津而和衛桂枝生薑之辛助陽氣而解表

傷寒六七日大下後寸脈沉而遲手足厥逆下部脈不至咽喉不利吐膿血泄利不止者為難治麻黃升麻湯主之方見下利

成手足厥寒者陽氣外虛不溫四末脈細欲絕者陰血內弱脈行不利與當歸四逆湯助陽生陰也
當歸四逆湯方

當歸

桂枝 去蘆皮

芍藥

細辛 各參兩

甘草 多

通草 各貳兩

大棗 貳拾伍枚

右七味以水八升煮取三升去滓溫服一升日三服

內經曰脈者血之府也諸血者皆屬心通脈者必先補心益血苦先入心當歸之苦以助心血心苦緩急食酸以收之芍藥之酸以收心氣肝苦急食甘以緩之木棗甘草通草之甘以緩陰血

下利脈沉而遲其人面少赤身有微熱下利清穀者必鬱胃汗出而解病人必微厥所以然者其面戴陽下虛故也 下利後脈絕手足厥冷晬時脈還手足溫者生

脈不還者死。下利清穀裏寒外熱汗出而厥者通脈
 四逆湯。太汗出熱不去內拘急四肢疼又下利厥逆
 而惡寒者四逆湯。病人手足厥冷脈乍緊者邪結在
 胸中心中滿而煩饑不能食者病在胸中當須吐之宜
 瓜蒂散。上方見氣傷寒一二日至四五日而厥者必發
 熱前熱者後必厥厥深者熱亦深厥微者熱亦微厥應
 下之而反發汗者必口傷爛赤。傷寒一二日至四五日
 之邪前熱後厥者亦傳經之邪當以厥之微甚辨熱之
 深淺若厥熱入府而實者須下之若反發汗則胃中
 津液愈燥竭而熱故必口傷爛赤然經云諸四逆者不
 可下之至此又云應下最宜詳審先賢謂熱厥手足雖
 厥冷而或有溫時手足雖逆冷而手足掌心必暖戴
 院使又以指申之暖冷別熱寒一二厥臨病之工慎之

諸四逆厥者不可下虛蒙亦然。傷寒五六日不結胸
 腹濡脈虛復厥者不可下此為亡血下之死。傷寒脈
 促手足厥逆者可灸之。

診凡厥者陰陽氣不相順接便為厥厥者手足逆冷是
 也。厥者手足之三陰三陽相接於手十指足之三陰三陽相
 接於足十指陽氣內陷陽不與陰相順接故手足為
 之厥也傷寒發熱四日厥反三日復熱四日厥少熱多
 其病當愈四日至七日熱不除者其後必便膿血。成先
 厥者陽邪傳表也發熱為邪氣在表至四日後厥者傳
 之陰也後三日復傳陽經則復熱厥少則邪微熱多為
 陽勝其病為愈至七日傳經盡熱除則愈熱不除
 者為熱氣有餘內搏厥陰之血其後必大便膿血傷
 寒厥四日熱反三日復厥五日其病為進寒多熱少陽

氣退故為進也。傷寒始發熱六日厥反九日而利凡厥利者當不能食今反能食者恐為除中食以索餅不發熱者知胃氣尚在必愈恐暴熱來出而復去也後三日脈之其熱續在者期之日日夜半愈所以然者本發熱六日厥反九日復發熱三日并前六日亦為九日與厥相應故期之日日夜半愈後三日脈之而脈數其熱不罷者此為熱氣有餘必發癰膿也。成始發熱邪在表陰陰氣勝者作厥而利厥反九日陰寒氣多當不能食而反能食者恐為除中除去也中胃氣也言邪氣大甚除其去胃氣欲引食自救故暴能食此邪勝也食以索餅試之若胃氣絕得麵則必發熱若不發熱者胃氣尚在也恐是寒極變熱因暴熱來而復去使之能冷非除中也金匱要畧曰病人素不能食而反暴思之必發熱

後三日脈之其熱續在者陽氣勝也期之日日夜半愈若且日不愈後三日脈數而熱不罷者為熱氣有餘必發癰膿經曰數脈傷寒病厥五日熱亦五日設六日不時則生疔瘡。當復厥不厥者自愈厥終不過五日以熱五日故知自愈。成陰勝則厥陽勝則熱先厥五日為陰勝至六日陽復勝熱亦五日後復厥者陰復勝若不厥為陽全勝故自愈經曰發熱四日厥反三日傷寒熱少厥微指復熱四日厥少熱多其病為愈。傷寒熱少厥微指頭寒默默不欲食煩躁數日小便利色白者此熱除也欲得食其病為愈若厥而嘔胃腸煩滿者其後必便血。指頭寒者是厥微熱少也默默不欲食煩躁者邪熱初傳裏也數日之後小便色白裏熱去欲得食為胃氣已和其病為愈設未欲食宜乾薑甘草湯嘔而胃腸煩滿者少陽證也少陽與厥陰為表裏邪去其府故嘔而胃腸煩滿也肝主少腹滿痛而厥為冷結關元。滿痛

傷寒厥
傷寒六七日脈微
發熱而厥七日下利者為難治
手足厥冷煩躁灸厥陰厥不還者死厥陰六穴豈按四時灸并榮俞經合耶
傷寒發熱下利厥逆躁不得卧者死
傷寒發熱下利至甚厥不止者死
下利手足厥冷無脈者灸之不溫若脈不還反微喘者死

○附

寒厥
活冷厥者初得病日便四肢逆冷脈沉微而不數足多攣臥時惡寒或自引不蓋覆不飲水或下利清穀或清便自調或小便數外證多惺惺而靜脈雖沉實按之遲而弱者知其為冷厥也四逆湯理中湯通脈四逆湯當

歸四逆湯當歸四逆加吳茱萸生薑湯白通加豬膽汁湯隨證用之

熱厥

熱厥者初中病必身熱頭痛外別有陽證二三日至四五日方發厥兼熱厥者厥至半日却身熱蓋熱氣深左能發厥須在二三日後也若微厥却發熱者熱深故也其脈雖伏按之而滑者為裏熱其人或畏熱或飲水或揚手擲足煩躁不得眠大便秘小便赤外證多昏憤者知其熱厥也白虎承氣湯隨證用之

天下癩厥

又有下證悉具而見四逆者是失下後血氣不通四肢便厥醫人不識却疑陰厥復進熱藥禍如反掌大抵熱

脉沉疾
有力宜
下力宜
無力宜
溫

天寒證
寒宜溫
之

厥須脉沉伏而滑頭上有汗其手雖冷時復指爪溫須用承氣湯下之不可拘忌也
諸手足逆冷皆屬厥陰不可汗下然有須汗須下者正謂手足雖逆冷時有溫時手足掌心必煖非正厥逆也當消息之

海厥陰證四肢厥冷爪甲青脉沉疾按之有力者為陽則當下宜大承氣湯如脉沉遲按之無力者為陰則當溫宜四逆湯更須速灸之

羅省掾曹德裕男婦二月初病傷寒八九日請治之證脉得沉細而微四肢逆冷自利腹痛目不欲開兩手

常抱腋下昏昏嗜臥口舌乾燥乃曰前醫者與白虎加人參湯可服否予曰白虎雖云治口燥舌乾若只此一句亦未然今此證不可服白虎者有二傷寒證云立夏以前立秋以下不可妄用一也太陽證無汗而渴者不可用二也况病人陰證悉具其時春氣尚寒三也仲景云下利清穀急當救裏宜四逆湯五兩人參一兩生薑十餘片連鬚葱白九莖水五大盞同煎至三盞去滓分三服一日服之至夜則止手足溫翌日大汗而解繼之以理中湯數服而愈孫真人胃業論云凡欲為太醫必須精讀甲乙素問黃帝鍼經

明堂流注十二經絡三候九部本草藥性仲景叔和
並須精熟如此方為大醫不則猶無自夜遊動致顛
隕執此用藥者再思可矣

天熱
之熱宜寒

陽證治驗真定府趙吉夫年二十三至元五月間因勞
役飲食失節傷損脾胃時發煩躁而渴又食冷物過
度遂病身體困倦頭痛四肢逆冷嘔吐而心下痞醫
人不察見其四肢逆冷嘔吐而心下痞乃用桂枝末
三錢上熱酒調下仍以綿衣覆之作陰毒傷寒施治
須臾汗大出汗後即加口乾舌澀眼白時紅項強鞭
肢體不柔和小便淋赤大便秘澀循衣摸床如發狂

狀問之則言語錯亂視其舌則赤而欲裂朝輕暮劇
凡七八日家人輩悉謂危殆不望生全隣人吉仲完
舉予治之診其脉七八至知其熱證明矣遂用大承
氣湯苦辛太寒之劑一兩作一服服之利下三行折
其勝勢翌日以黃連解毒湯太苦寒之劑一兩徐徐
服之以去其熱三日後病十分中減五六更與白虎
加人參湯約半筋服之瀉熱補氣前證皆退戒以慎
起居節飲食月餘漸得平復內經曰凡用藥者無失
天時無逆氣宜無翼其勝無贊其復是謂至治又云
必先歲氣無伐天和當暑氣方盛之時聖人以寒涼

大熱證
寒宜中
治

急救腎水之原補肺金之不足雖有客寒傷人仲景
云用麻黃湯內加黃芩知母石膏之類恐蕪黃蕪斑
又用桂枝湯之戒况醫以桂末熱酒調服所謂差之
毫釐謬以千里逆仲景之治法經云不伐天和不贊
其復不翼其勝不失氣宜不然故疾未已新病起矣
用熱遠熱從乎中治友人劉巨源年六十五歲至正夏
月因勞役飲食失節又傷冷飲得疾醫者往往以為
四時證治之不愈逮十日請予治診之右手三部脉
沉細而微太陰證也左手三部脉微浮而弦虛陽在
表也大抵陰多而陽少今所苦身體沉重四肢逆冷

自利清穀引衣自覆氣難布息懶言語此脾受寒濕
中氣不足故也仲景言下利清穀急當救裏宜四逆
湯溫之內經有用熱遠熱之戒口乾但漱水不嚥早
晨身涼而肌生粟午後煩躁不欲去衣昏昏睡而面
赤隱隱紅斑見於皮膚此表實裏虛故也內虛則外
證隨時而變詳內外之證乃飲食勞倦寒傷於脾胃
非四時之證明矣治病必察其下今適當太暑之時
而得內寒之病以標本論之時為標也病為本也用
寒藥則順時而違本用熱藥則從本而逆時此乃寒
熱俱傷必當從乎中治中治者溫之是也遂以錢氏

身熱而厥忽無脈者必有汗

白朮散加升麻就本方加葛根甘草以解其斑少加白朮茯苓以除濕而利小便人參藿香木香和脾胃進飲食咬咀一兩煎服再服斑退而利止身溫而神出次服異功散治中湯辛溫之劑一二服五日得乎止藥或曰病雖稍愈勿藥可乎予曰藥攻邪也內經曰治病以平為期邪氣既去強之以藥變證隨起不若以飲食調養待其真氣來復此不藥而藥不治而治之理旬日良愈必察其下者謙甫謂時下之宜也活若病人寒熱而厥面色不澤冒昧而兩手忽無脈或一手無脈者必是有正汗也多用綿衣裹手足令溫煖

急服五味子湯或兼與麻黃細辛甘草湯之類服之時必有大汗而解矣

五味子湯治傷寒喘促脈伏而厥

人參

麥門冬去心

杏仁去皮尖

生薑

陳皮各貳錢半 大棗貳枚

五味子半兩

右咬咀水煎服

戴陰陽之病皆能發厥故有陽厥有陰厥皆病之深也二厥惟陽厥易誤當問其初得病如何若初得病頭不痛四肢逆冷足多攣臥而惡寒或汗自引衣蓋

傷寒論 卷之四
覆或不渴或利清穀或小便自調人多惺惺而靜此
寒厥也是為陰中之陰宜四逆湯附子理中湯若初
得病頭痛身熱外別有陽證至五六日方發厥其人
雖厥或畏熱或飲水或揚手擲足煩躁不得眠大便
祕小便赤多昏憤者此熱厥也是為陰中之陽宜白
虎湯或大承氣湯熱厥雖手足冷而指甲却煖不若
寒厥并指甲俱冷此辨陰陽要法也 近有陽病自
腰以上極熱兩脚常冷蓋三陰脈上不至頭故頭不
疼三陽脈下不至足故足冷也 南陽謂傷寒手足
必微冷若手足自溫者係太陰也說欠分曉若陽明

手足安得微冷少陽厥陰而大冷安得言微冷但當
言三陰經少陰厥陰手足厥冷惟有太陰手足自溫
耳

陶陰陽一厥治之一差死生立判陽厥者先自三陽
氣分因感寒邪起于頭痛發熱惡寒已後傳進三陰
血分變出四肢厥逆乍溫大便燥實讖語發渴揚手
擲足不惡寒反怕熱或腹痛後重泄利稠粘小便赤
澀脈沉有力此見傳經熱證謂之陽厥陽極發厥者
即陽證似陰外雖有厥冷內有熱邪耳蓋因大便失
下使血氣不通故手足乍冷乍溫也如火煉金熱極

傷寒厥 四
金反化水寒極水反成冰而能載物厥微熱亦微四
逆散厥深熱亦深大承氣若不明此復投熱藥如抱
薪救火夫陰厥者乃二陰血分自受寒邪初病無身
熱頭痛就便惡寒四肢厥冷直至臂頸已上過乎肘
膝不溫引衣踰卧不渴蕪或腹痛吐瀉小便清白或
戰慄面如刀刮口吐涎沫脉沉遲無力此為陰經直
中真寒證不從陽經傳入謂之陰厥也輕則理中重
則四逆又有病自陽經傳入目下係陰證而厥者亦
陰厥也且夫人之手足乃胃土之末凡脾胃有熱手
足必熱脾胃有寒手足必寒此理之常也至于亢極

反成蕪化此又事之變也學者於此宜致力焉

吳天抵傷寒發厥正氣已極宜速加治夫陽厥者必
先因熱甚不解而致劉河間謂肢體厥冷惟心胸有
熱大便秘者以涼膈散養陰退陽不宜速下若大便
不秘者以黃連解毒湯主之凡厥證可下者內有燥
屎也以手摩病人臍腹或鞭滿或痛者是也若腹中
轉失氣氣出極臭者或繞臍刺痛者以有燥屎也輕
則調胃承氣重則大承氣或用涼水調下玄明粉一
二錢亦佳或用鷄清入蜜水和一甌調入好芒硝末
一二三錢最效大抵陽厥以脉滑別之則無差也凡陰

厥者必先因腎氣虛寒或復著外寒或誤服寒涼之藥或誤下之則積陰盛于下微陽衰于上遂發厥逆其脉沉細而微按之全無者是也宜四逆湯急温之冷甚者治例與陰毒同也凡尸厥者經言少陰脉不至腎氣微奔氣促迫宗氣反聚血結心下陽氣退下熱歸陰股而為尸厥也急宜刺期門巨闕昔扁鵲治虢太子病尸厥針三陽五會穴而愈蓋以陽脉下墜陰脉上爭宗氣聚而不通上有絕陽之絡下有破陰之紐破陰絕陽之色以發脉亂故形靜厥冷昏沉如死人之狀名曰尸厥宜陰毒例中求之 凡傷寒寒

熱而厥面色不澤冒昧兩手無脉或一手無脉此將有好汗出如亢陽欲雨之狀多用綿衣包裹手足急用五味子湯或兼與桂枝麻黃各半湯汗之而愈若脉不至汗不出者死

針灸治傷寒手足逆冷 大都一分

傷寒六脉俱無 復溜補大回 合谷 中極 支溝

一寸半此穴和脉絕充 復溜順骨三 巨闕三寸 氣衝灸七

尸厥少陰脉不至腎氣微少精血奔氣促迫上入膈膈榮氣反聚血結心下陽氣退下熱歸陰股與陰相動令身不仁此為尸厥當刺期門

傷寒厥... 快之四... 凡立和于... 承我... 殊... 凡立和于... 承我... 殊...

少腹滿

少腹急

臍下為少腹夫胸中滿心下滿皆氣也腹滿者多有燥屎也少腹滿者有物聚也蓋身半已上同天之陽身半已下同地之陰清陽出上竅濁陰出下竅故在上滿者氣也在下滿者物也物者溺與血爾邪結下焦則津液不通血氣不行或溺或血流滯而脹滿也若小便利者畜血之證小便不利溺澀證也俱是熱病惟冷結膀胱少腹滿一證為寒病有手足厥冷為可辨
太陽傷寒表不解乾嘔發熱而欬或小便不利少腹滿者小青龍去麻黃加茯苓湯主之詳太陽病六七日

傷寒... 快之四... 九

表證仍在脉微而沉反不結胸其人發狂者以熱在下
焦少腹當鞭滿小便自利者下血乃愈所以然者以太
陽隨經瘀熱在裏故也抵當湯主之成太陽經也膀胱
隨經入府者也六七日者邪氣傳裏之時也此太陽病熱
邪氣在裏之脉也表證仍在者則邪氣猶淺當結於胸
中若不結於胸中其人發狂在者熱結在膀胱也經曰熱
結膀胱其人如狂在此發狂則熱又深也少腹鞭滿小便
不利者為無血也小便自利者傷寒有熱少腹滿應
血證諦也與抵當湯以下畜血

小便不利者為無血也當下之不可餘藥宜抵
當丸成傷寒有熱少腹滿是畜血於下焦若熱蓄津液
不通則小便不利其熱不畜津液而畜血不行小
便自利者乃為畜血當與桃仁承氣湯抵當湯下之然
此無身黃屎黑又無喜忘發狂是未至於甚故不可與
其餘峻峻之藥也可與太陽病身黃脉沉結少腹鞭
抵當丸小可下之也

小便不利者為無血也小便自利其人如狂者血證諦
也抵當湯主之身黃脉沉結少腹鞭小便不利者胃熱
發黃也可與茵陳湯身黃脉沉結少腹
鞭小便自利其人如狂者非胃中熱為熱
結下焦而為畜血也與抵當湯以下畜血太陽病
重發汗而復下之不大便五六日舌上燥而渴日晡所
小有潮熱從心下至少腹鞭滿而痛不可近者大陷胸
湯主之活人曰晝夜譫語喜忘少腹滿小便不利
男子為瘀血婦人為熱入血室抵當湯

厥陰尺寸脉微緩者厥陰受病也當六七日發其證少
腹煩滿而囊縮病者手足厥冷言我不結胸小腹滿
按之痛者此冷結在膀胱關元也小腹下焦所治當胸
膀胱上白主分別清濁

真武湯或用脇下素有痞連在臍傍痛引少腹入陰筋者

名藏結死或云此有動氣犯汗吐下者死

少腹急太陽病不解熱結膀胱其人如狂血自下下者

愈其外不解者尚未可攻當先解外外解已但少腹急

結者乃可攻之宜桃核承氣湯下血抵當湯解表桂枝湯○太陽膀胱經也太陽

陽經邪熱不解隨經入府為熱結膀胱其人如狂者以熱在下焦未至於狂但下血則熱隨血出而愈若血不下者則血為

陽多熱熱在膀胱必與血相搏若血不為畜為熱迫之則血自下血下則熱隨血出而愈若血不下者則血為

熱搏畜積於下而少腹急結乃可攻之與桃核承氣湯下熱散血內經曰從外之內而盛於內者先治其外後

調其內此身重少氣少腹裏急或引陰中拘攣熱上

衝胸為陰陽易病治見本門

囊縮 仲景無治法今采南陽海藏治法補之

扁鵲曰舌卷囊縮者死孫真人曰陰陽易病卵縮則舌

吐出死凡囊縮有熱極而縮者有冷極而縮者凡熱極

者有可下冷極者宜急溫之下之宜大承氣湯溫之宜

附子四逆加茱萸湯併艾灸關元氣海葱熨等法治之

活傷寒六七日煩滿囊縮其脉尺寸俱微緩者足厥陰

肝經受病也厥陰病其脉微浮為欲愈不浮為未愈宜

小建中湯脉浮緩者必囊不縮外證必發熱惡寒似瘧

為欲愈宜桂枝麻黃各半湯若尺寸俱沉短者必是囊

縮毒氣入腹宜承氣湯下之太抵傷寒病藏府傳變陽

陽

經先受病故次傳入陰經以陽主生故太陽水傳足陽明土土傳足少陽木為微邪也陰主殺故木傳足太陰土土傳足少陰水水傳足厥陰木至六七日當傳厥陰肝木必移氣尅於脾土脾再受邪則五藏六府皆因而危殆榮衛不通耳聾囊縮不知入而死矣速用承氣湯下之可保五生一死古人云脾熱病則五藏危又土為禾賊則死若第六七日傳厥陰脉得微緩微浮為脾胃脉也故知脾氣全不受尅邪無所容否極泰來榮衛將復水升火降則寒熱作而大汗解矣

海厥陰證者煩滿囊縮大小便不通發熱引飲腹滿尺

寸脉微緩煩者火也滿者木也雖不吐虵囊縮但急者亦木也火與木相合四肢厥逆而爪甲青大小便不通地道塞也發熱引飲邪氣在裏宜温之下之

已上諸證大小便俱通地道不塞不發渴不引飲邪不在裏則宜温之灸之則裏外相接以復陽氣宜服正陽散

正陽散方

- 麝香 壹錢細研性辛温 治腹急滿痞風毒
- 乾薑 炮
- 甘草 炙各貳錢半
- 附子 壹兩炮去皮臍味辛鹹温 治風利竅療腹滿囊縮
- 皂莢 貳兩酥炙去皮弦味鹹温

右為細末每服貳錢白湯調溫服

回陽丹

硫黃半兩味酸溫大熱治心腹腫聚邪氣冷癖左脇氣咳上氣脚冷無力

附子兩炮半木香半兩味辛溫療肌中偏寒主氣不足之精

全蝎半兩味甘辛治一切風薑澄茄半兩味辛溫治皮風心腹氣脹

吳茱萸洗炒半兩味辛溫大熱治中風逐邪諸食不消氣逆利五藏順氣

乾薑炮貳錢半

右為末酒糊為丸如梧桐子大生薑湯下二三五十九併二三服併熱投之衣被取汗

陰毒

仲景但名陰毒主發表陰毒之為病面青身痛如被杖咽喉痛五日可治七日不可治升麻鼈甲湯去雄黃蜀

椒主之方見陽毒

王攷之仲景書雖有陰毒之名然其所敘之證不過面目青身痛如被杖咽喉痛而已並不言陰寒極甚之證况其所治之方亦不過升麻甘草當歸鼈甲而已並不角大溫大熱之藥是知仲景所謂陰毒者非陰寒之病乃是感天地惡毒異氣入於陰經故曰陰毒耳後之論者遂以為陰寒極甚之證稱為陰毒乃引仲景所叙面

傷寒陰毒
目青身痛如被杖咽喉痛數語併而言之却用附子散
正陽散等藥以治竊謂陰寒極甚之證固亦可名為陰
毒然終非仲景所以立名之本意觀後人所叙陰毒與
仲景所叙陰毒自是兩般豈可混論後人所叙陰毒亦
只是內傷冷物或不正暴寒所中或過服寒涼藥所變
或內外俱傷於寒而成耳非天地惡毒異氣所中者也
活人更名陰毒傷寒主退陰陰毒甘草湯治傷寒時氣
初得病一二日便結成陰毒或服藥後六七日已上
至十日變成陰毒身重背強腹中絞痛咽喉不利毒
氣攻心心下堅強短氣不得息嘔逆唇青面黑四肢

厥冷其脈沉細而疾身如被杖咽喉痛五六日可治
七日不可治

甘草炙 桂枝去蘆皮 升麻
當歸各伍錢 雄黃貳錢半 蜀椒去閉者炒去
鼈甲酥炙壹兩半

右咬咀水煎服如人行五里許更進一服覆取汗毒
從汗出即愈若未汗再服

始得陰毒脈沉細疾許陰毒本因腎氣虛冷因慾事或
食冷物後傷風內既伏陰外又感寒或先感外寒而後
伏陰內外皆陰則陽氣不守遂發頭痛腰重腹痛眼睛

陰毒傷寒咳逆煎一服細細熱呷病止

川烏

乾薑 各等分

右為麤末炒令轉色次冷再搗為細末每服一錢水一盞鹽一捻煎至半盞去滓溫服

五勝散治傷寒頭痛壯熱骨節疼痛昏沉困倦咳嗽鼻塞不思飲食兼治傷寒夾冷氣并慢陰毒神效

白朮

壹兩半

甘草

五味子

石膏

各壹兩

乾薑

叁兩半

右咬咀每服五錢水一盞入鹽少許同煎服如冷氣相夾入薑棗煎或治陰毒病入艾葉少許煎服

海白朮散治陰毒傷寒心悶煩躁四肢厥冷

川烏

炮去皮臍

桔梗

附子

炮

白朮

細辛

各壹兩

乾薑

炮半兩

右咬咀或末之白湯調下一錢匕

羅正陽丹治陰毒傷寒手足厥冷指甲青色體冷脉沉

細而微神効

右用蔥四枝陳蜂房四五箇燒

存性為細末用蔥搗和丸如彈子大手心內握定

用手帕緊緊須臾汗出以絲被覆蓋如手心熱甚休

教解開如服藥先服升麻湯五錢連鬚蔥三枝生薑

五片水二大盞煎至一盞去滓溫服被覆取汗則愈

傷寒陰毒 卷之四

陰毒漸深爪青面黑肌七至沉細積陰感於下則微陽消於上故其候四肢沉重逆冷腹痛轉甚或咽喉不利或心下脹滿結鞭躁渴虛汗不止或時狂言爪甲面色青黑六脉沉細而一息七至以來有此證者速宜於氣海關元二穴灸二三百壯以手足溫暖為效仍服金液丹來蘇丹五勝散還陽散退陰散

川烏 去皮臍冷水浸七日薄切晒乾紙袋盛之有患者取研末壹大錢入鹽一小錢水一盞煎至七分服壓下陰毒所注如猪血相似未已再進一服效

還陽散治陰毒面青四肢逆冷心躁腹痛
用硫黃末新汲水調下二錢良久或寒一起或熱

一起更看緊慢再服汗出瘥

附子回陽散 良方 治陰毒傷寒面青四逆及臍腹痛身體如冰并一切卒暴冷氣

右用附子二枚炮裂去皮臍搗為細末每服二錢匕取生薑自然汁半盞冷酒攪勻共一盞調服更以冷清酒一盞送下相次更進一服良久臍下如火徧身和煖為度

活返陰丹治陰毒傷寒心神煩躁頭疼四肢逆冷

- 硫黃 五兩 是研
- 附子 炮去皮臍
- 乾薑 炮
- 桂心 各半兩
- 硝石 另研
- 太陰玄精石 另研 各兩

右用生鐵鈔先鋪玄精末一半次鋪硝石末一半中間下硫黃末又着硝石一半蓋硫黃却以玄精石末蓋上用小盞合着用三斤炭火燒令得所勿令烟出細研似麪後三味搗羅為末與前藥同研令勻輕飯和丸如桐子大每服十五丸至二十九煎艾湯下頻服汗出為度病重則二十九此方甚驗喘促與吐逆者入口便住又服此藥三五服不退者更於臍下一寸灸之須是晝夜大段不往手灸不限多少壯數灸之艾炷勿令小小則不得力若其人手足冷少腹鞭即於臍下兩邊各開一寸各灸一道二處齊下火灸

乏仍與當歸四逆湯併返陰丹亦須頻服內外通透方得解若遲誤即死矣又若陰證加以少腹不通及陰囊縮入少腹絞痛欲死者更於臍下二寸石門穴急灸之仍須與返陰丹當歸四逆湯加吳茱萸生薑慎勿與尋常利小便冷滑藥上火燄散治傷寒惡候上

舶上硫黃

黑附子去皮生用

新臘茶

各壹兩

右為細末先用好酒一升調藥攤入新碗中於火上蕩乾合在瓦上每一碗下燒熟艾一拳大以瓦摺起無冷着火直至烟盡候冷即刮取研入磁盒內盛每

傷寒陰毒 卷之四
服二錢酒一盞共煎七分有火燄起勿訝傷寒陰毒者四肢冷脉沉細或吐瀉五心煩躁胃中結鞅或轉早伏陰在內湯水不得下或無脉先喫一服如吐却更進一服服後心中熱其病已瘥下至藏府中表未解者渾身壯熱脉氣洪大便宜用發表藥或表解者更不發熱便得眠睡渾身有汗若少有痞結肌實方可用下高行藏府藥漸用調和元氣補治脾胃湯散服此藥三服不應者不可治也

陰毒沉困脉入至附骨方有陰毒沉困之候與前後漸染之候皆同而更加沉重六脉附骨取之方有按之即

無一息入至已上或不可數至此則藥餌難為功矣但於臍下灼火艾如棗大二三百壯以來手足不和煖者不可治也倘復和緩以前硫黃及熱藥助之若陰氣散陽氣來則漸減熱藥而和治之以取瘥也

活治陰虛陽脫體冷無脉氣息欲絕不省人事及傷寒陰厥百方不效者用葱以索纏如臂大切去根及葉惟存白長一寸許如大餅樣先以火煨一面令通熱勿令着火乃以熱面熨病人臍上連臍下又以熨斗滿貯火熨之令葱餅中熱氣鬱入肌肉內須更作三四餅一餅壞不可熨又易一餅良久病人當甦手足温有汗即瘥

更服四逆湯以溫其內
海治陰證諸藥不效併湯水不下身冷脈絕氣息短不
知久用葱白熨法又不若用醃醋拌麪皮炒熟注布袋
中蒸熨之比上法尤速
代灸塗臍膏

附子

馬蘭子

蛇床子

吳茱萸

肉桂 各等分

右為細末可用白麵一匙藥末一匙生薑自然汁煨
成膏攤帛上圓三寸許貼臍下關元氣海自晚至曉
其火力可代灸百壯腰痛亦可貼之 一法用丁香

華撥乾薑牡蠣燒灰放手心中以唾津調如泥以手
掩其陰至煖汗出為度

陰毒傷寒四肢逆冷者用吳茱萸不拘多少為細末温
酒和勻生絹袋盛之熱熨脚心令通暢愈者以湯煎温
藥漂洗以按四肢亦可

迴生神膏 治男女陰毒傷寒外按法

牡蠣 煨粉

乾薑 炮各壹錢

右為細末男病用女唾調手內擦熱緊掩一卵上得
汗出愈女病用男唾調手內擦熱緊掩一乳上得汗
出愈卵與乳男女之根蒂坎離之分也陰證大小便

不通及諸雜證陰證大小便不通者並宜此外治法
數日不通為急非急者勿用

陰中伏陽破陰丹

硫黃

水銀各壹兩 陳皮

青皮各半兩

右將硫黃先入銚子內鎔開次下水銀用鐵杖子打
勻令無星傾入黑茶盞細研入一味麵糊丸如桐子
大每服三十九丸如煩躁冷鹽湯下陰證艾湯下良效
有人初得病四肢逆冷臍下築痛身疼如被杖蓋陰證
也急服金液破陰來復等丹其脉遂沉而滑沉者陰也
滑者陽也病雖陰證而見陽脉有可生之理仲景所謂

陰病見陽脉者生仍灸氣海丹田百壯手足溫溫陽回
得汗而解或問滑沉之狀如何便有生理予曰仲景云
翕奄沉名曰滑何謂也沉為純陰翕為正陽陰陽和合
故名曰滑古人論脉滑雖曰往來前却流利旋轉替替
然與數相似仲景三語而足也此三字極難曉翕合也
言張而復合也故曰翕為正陽沉言忽降而下也故曰
沉為正陰方翕而合俄降而沉奄為忽忽間仲景論滑
脉可為諦當矣其言皆有法故讀者難曉宜細思之
霹靂散 治傷寒陰勝陽其人必躁熱而不欲飲水
是也

右用附子一枚燒灰存性為末作一服蜜水調下而愈此逼散寒氣然後執氣上行而汗出乃愈

陶陰毒病手足指甲皆青脉沉細而急者四逆湯無脉者通脉四逆湯陰毒甘草湯真武湯厚朴九白木湯肉桂散皆可選用

正陽回陰霹靂散正元散天雄散附子散

劫金液丹

熏逆冷囊縮者以炒豆投熱醋中如法熏之

熨法灸法

傷寒直中陰經真寒證或陰毒證身如被杖腹中絞痛嘔逆沉重不知人事四體堅冷如石

手指甲唇青藥不入口六脉沉細或無脉欲絕者將葱一握切去根葉取白三寸許搗如餅先用麝香半分填臍中後放葱餅臍上以火熨之連換三四餅稍醒灌以生薑汁服回陽救急湯如不醒再灸氣海關元二三十壯使熱氣通于內逼邪外出以復陽氣如用此法手足溫和汗出即醒者有生意也手足不溫汗不出不醒入事者不能起矣

吳或問陰毒傷寒用附子湯冷服何也此蓋陰極于下陽浮于上之治法也予曾治一人傷寒十餘日脉沉細手溫而足冷大便不通面赤嘔煩渴藥不能下惟

喜涼水一二口或西瓜一二塊食下良久而復吐出此陰寒于內逼其浮陽失守之火聚于胸中上衝咽溢故爲面赤嘔煩也遂用附子大者一枚以生薑自然泔和白麪包裏煨熟去麪取附子去皮尖切作八片又以人參三錢乾薑炮三錢水二鍾煎取一鍾浸于冷水中待藥冷與之卽愈按內經曰若調寒熱之道冷熱必行則熱藥冷服下溢之後冷體旣消熱性卽發由是病氣隨愈嘔煩皆除情且不違而致大益此之謂也蓋近世患陰證傷寒往往疑似參差初便不敢用附子直待陰極陽竭而用之則爲遲矣大抵

治法有是病投是藥豈可狐疑而誤治哉且夾陰傷寒先因慾事伏陰于內却又著寒內外皆陰陰氣獨盛則陽氣以衰故脉沉而足冷也必須急用人參健脉以益元氣爲主佐以附子溫腎經散寒邪以退陰而回陽也若舍此一味不用將何以救之哉古之諺曰傷寒偏死下虛人誠哉斯語許學士論必以真氣爲主蓋真氣乃人命之根蒂也若不察真氣之虛實而欲急攻其熱或施汗下或多用寒涼之藥攻熱未愈陰寒復生病至危殆良可悲夫

又方用雄鷄血滴以無灰熱酒內飲之以衣被溫覆取

